

सानसेयारि "बड'सा" खरौलाइयाव
समाजयारि जिउजो लोखा थावाय रायथाय, खन्थाय,
सल', सल'बाथा आरो दावबायारि थावनि, पार्क
बाइदिनि सायाव लिन्नाय लिन्दिबां देथाय हर/
सानसेयारि "बड'सा" खरौलाइया खेबखानावे
फोखावगोब।

बड'सायाव लिन्नाययि हुबा खालाम,
"बड'सा" खरौ नोथां, जो बयबो आंगो खालाम।

सानसेयारि बड'सा मावखलि

माइबं नोगोर, जोहोलाव दैमाला लामा

कक्राझार, बिटिसि-783370

Website: www.bodosanewspaper.com



BODOSA ★ A Bodo News Daily ★ Thursday ★ 8 October, 2020 Kokrajhar, BTC, Assam ★ Vol.- 30, Issue No. 194 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

बड'लेन्ड टेरिटोरियल रिजननि रादाय बादियै आसाम केबिनेटआ बर'-कसारि वेलफेयार अट'नमास काउन्सिल आरो बर' रावखौ राइज्योनि सरकारि लोगो राव महरै बिल पास खालामबाय



आसाम केबिनेटआ बि के डब्लिउ ए सि दाफुनाय आरो बर' रावखौ आसामनि लोगोयारि राव महरै गनायथि होनायखौ बर'नि गोबां आफाद-गौथुम आरो मेलेमजिबि-सानसुमैफोरा बरायदों

कक्राझार, 7 अक्ट'बर: बर' हारिनि थाखाय
दिनै 7 अक्ट'बर सानआ गुबुन मोनसे
जारिमिनारि सान जाबावदों। मानोना दिनै
बुधबारखालि आसाम केबिनेटआ बि टि आरनि

बाइजोयाव थानाय बर' फिसाफोरनि फारफ्रम
बिथिनि जौगाथाय, रेखाथि आरो थामोन्थानि
थाखाय बर'-कसारि वेलफेयार अटन'मास
काउन्सिलनि बिलखौ गनायथि होबाय। बेजों

लोगोसेनो गोलाव समनिक्राय बर' हारिया
हास्थायबोबाय थानाय गुबुन मोनसे सिमाडाबो
दिनैनि दिनाव जाफुनाय। बेनो जाबाय बर'
रावआ आसामनि (□ 5 बिलाइआव)

बड'लेन्ड मुलुग सोल्लोसालिनि 6 थि सेमिस्टारनि आन्जादखौ 50 जौखोन्दो फरा-फारिजों खुंफुनो एबसुनि दाबि (दाबिखौ गनायाब्ला मुलुग सोल्लोसालियाव सोमावसारनो सांग्राथि होदों)

कक्राझार, 7 अक्ट'बर:
सोल्लिफु करना महामारिनि
अलखदनि समाव फरायसुला-
फरायसुलिफोरा सोल्लोथाय एबा
फोरोंथाय लानायनिफ्राय जानगाराव
थानानायखौ नोजोर बोनानै
दुलाराय बर' फरायसा आफादया
बड'लेन्ड मुलुग सोल्लोसालिनि
आवथायाव खुंफु जानो गोनां
डिपिनि 6 थि सेमिस्टारनि
आन्जादखौ 50 जौखोन्दो फरा-
फारिजों खुंफुनो थाखाय दाबि
खालामदों। बावैसो सानफोर



सिगाबो बे आयदाखौनो लानानै
मिरु एबसुनि मोनसे हान्जाया
बड'लेन्ड मुलुग सोल्लोसालिनि

आसामाव 1 नभेम्बरनिफ्राय फरायसालिफोरा खुलिफिनगोन: हिमन्त

गुवाहाटी, 7 अक्ट'बर:
गिख'थाव कभिड-19 नि
सांग्लोबनारनि जाहोनाव
दुलाराय मुलुगजों लोगोसे
आसामावबो सोल्लोथाय
थासारिया लोरबां जानानै दं।
थानाय मार्च दाननिक्रायनो
हादत नाडै गासै फरायसालि-
फरायसालिमा आरो सोल्लोथाय
फसंथानफोरानो बन्द जानानै
दंबोयो। जायनि थाखाय
(□ 5 बिलाइआव)

बारग' डिआइजि पि के दत्तखौ 6 साननि थाखाय सिआइडिनि जिम्मायाव लाखिबाय



गुवाहाटी, 7 अक्ट'बर: आसाम
पुलिस बिफाननि एस आइ
साखि थिसन्थाय खेलेंखारिनि
गाहाय दायनिगिरि आसाम
पुलिसनि बारग' डिआइजि
पि के दत्तखौ खेलेंखारि
सोमजिनारनि सायाव सोंनाय-
फिन्नाय खालामनो 6 साननि
थाखाय सिआइडिया जिम्मायाव
लाबाय। सिआइडिया पि के
(□ 5 बिलाइआव)

बासुगाव बाजाराव पुलिस बिबानगिरिया मैगं-थाइगं फानग्रानि सायाव इनाय आखु बाहायनानै ख'हा खालामनायनि अजद इयुनाव बेबायदि इनाय खालामनायनिफ्राय जानगाराव थानो पुलिस बिबानगिरिखौ खावलायदों

बड'सा थान्दै, बासुगाव, 7 अक्ट'बर: सानफ्रमबो
ज'नाय बाजारनि लामायाव जिग्रायनाय मैगं-थाइगं फानग्रा
दखाननि साजों बलेर' गारि सालायलानायाव ख'हा जादों
मैगं-थाइगंफोरा। दिनै पुलिस बिबानगिरिनि बेबायदि इनाय
आखुथायाव फिसा-फिसा फालांगिफोरा भुगिनानो गोनां
जादों। दिनै साननि 11 रिगायाव बासुगाव पुलिस थाननि
बिबानगिरि तरुन कुमार सिरिनि बेबायदि दिन्थनाय
आखुखो गोखौ खुद्विखानाय (□ 5 बिलाइआव)



66 थि जिव-जुनात सप्ताहनि जोबथा हावाफारियाव गिबि मन्थि

गान्दा बुथारनि गेजेरजों जौनि मान सन्मानखौ ख'हा खालामनायनि फाव फान्दायदोंमोन: सनवाल

दिसपुर, 7 अक्ट'बर: राइज्यो
सरकार फेगो सानफोराव राइज्योनि
हाग्रा ओन्सोलखौ 2000 बर्ग
कि:मि: बारयनायनि थाखाय राहा
लानायनि थांखि आजावना लादों।
राइज्यो सरकार जिव-जुनातफोरनि

देहा आरो नायसंनारनि थाखाय
इनस्टिट्यूट अफ वाइल्ड लाइफ
हेल्थ एन्ड रिसार्स मुनि माहारियारि
थाखोनि फसंथान गाइसनगोन।
डिब्रुगड् जिल्लानि दिनजानाव बे
फसंथानखौ गाइसनाय जागोन।

फारसेथि काजिरख आरो मानास
नेसनेल पार्क बायदि गंफ्रमखौबो
सैरेखाथि हाग्रा ओन्सोलाव थानाय
केम्पयाव लाइफ आरो स्मार्ट फनखौ
जगायथाय होगोन राइज्यो सरकार।
दिनै श्रीमन्त शंकरदेब कलाक्षेत्रनि

बिटिसि बिसायख' थिखौ डिसेम्बर दानाव खुंनो सरकारा राइज्यो बिसायख' थि आयगखौ खावलायगोन

दिसपुर, 7 अक्ट'बर: आसामनि गिबि मन्थि सर्बानन्द सनवाल आरो
रंखान्थि बिफाननि मन्थि हिमन्त विश्व शर्माया बावैसो साननि सिगां
गोदान दिल्लीयाव हरखाब दावबायलानानै मिरुनि नख'र मन्थिजों
बिटिआर गोरोबथानि दफाफोरखौ मावफुनायनि सोमोन्दै गोथोये
सावरायहैनायनि उनाव बर'फोरनि जारिमिनारि बिटिआर गोरोबथानि
दफाफोरखौ दान मोनसेनि गेजेरवनो मावफुनो बिथोन होनाय बायदियै
दिनै मोनै गोनां आयदाफोरखौ आसाम केबिनेटआव गनायथिनाय जायो।

बि टि आरनि बाइजोयाव थानाय बर' फिसाफोरनि थाखाय बि के डब्लिउ ए सि दाफुनायखौ मिरु एबसुआ बरायदों

कक्राझार, 7 अक्ट'बर: थानाय 27 जानुवारी, 2020 अक्ट'खालि
जानानै थानाय बि टि आर गोरोबथानि 5.1 दफा बायदियै बि टि
आरनि बाइजोयाव थानाय बर' फिसाफोरनि थाखाय बर'-कसारि
वेलफेयार अटन'मास काउन्सिलखौ दाफुनो आसाम केबिनेटआ
दिनै गनायथि होनायखौ लानानै बि टि आरजों लोगोसे बि टि आरनि
बाइजोयाव थानाय दुलाराय बर' राइजो-राजाफोरनि गेजेरव मोनसे
खुसिनि दोहो सोमजिखोंदों। आसाम केबिनेटआ बि टि आरनि
बाइजोयाव थानाय बर' फिसाफोरनि अन्सायलु आरो जौगाथायनि
थाखाय बे बि के डब्लिउ ए सिखौ (□ 5 बिलाइआव)

गुवाहाटी नोगोरमनि खानापायाव थानाय आसाम एडमिनिस्ट्रेटिभ स्ट्यफ
फरायसालिमायाव राइज्यो सरकारनि मोनसे गोनांथार केबिनेट जथुम
खुंनाय जालाडो। गिबि मन्थि सर्बानन्द सनवालनि मासि सामलायनायाव
खुंनाय बे केबिनेट मेलआव राइज्योनि माखासे आयदाफोरखौ आजावनानै
लानायजों लोगोसे जारिमिनारि बर'फोरनि बिटिआर गोरोबथानि माखासे
दफाफोरखौ मावफुनायनि थाखाय गनायथिनाय जायो। गिबि मन्थिनि
सामलायनायाव खुंनाय बे केबिनेटनि (□ 5 बिलाइआव)

जीन एडिटिं टूलनि सोमोन्दै बुंफोरनाय सानै आइजोनो केमिस्ट्रिनि नबेल बान्था



इमैनुएल कारपेंतिएर
जेनिफर डीडना
स्टकहम, 7 अक्ट'बर: नबेल बान्थाया दासान्दि दुलाराय बुहुमावनो
वयजोंबो सावरायजानाय जानो हमदों। दिनै 2020 नि केमिस्ट्रिनि नबेल
बान्थाखो फोसावनाय जायो। केमिस्ट्रिनि नबेल बान्था देरहानाय बिसोर
आइजो गोनाखोगिरिफोरा जादों एमानुयेल सार्पेन्टियार आरो जेनिफर ए
डुडना। बिसोर सानै गोनाखोगिरिफोरा (□ 5 बिलाइआव)

बि टि आर गोरोबथाखौ लानानै कक्राझाराव मेलेमजिबिफोरनि सावराय मेल (राइज्योयाव जाख्लनाय आरो गेना खान्थिनि हेंथायै सरकारा गोखों राहा लानांगौ: प्रमद बर')



टंलानि गरकासयाव 66 थि नेसनेल वाइल्ड लाइफ सप्ताह फालिदों

उदालगुरि, 7 अक्ट'बर: दुलाराइ राइज्योजों लोगोसे दिनै उदालगुरि
जिल्लानि सिडव थानाय टंलानि गरकासयाव 66 थि नेसनेल वाइल्ड
लाइफ सप्ताहखौ फालिनाय जायो। फुनि 10 रिगायाव नेसार बेकन
टिपसि, बिसिसिएन, र'ज एनजिअ', एसिअ' क्लाब, डिपिएन क्लाबनि
बान्जायनायाव खुंनाय बे नेसनेल वाइल्ड लाइफ सप्ताह फालिनायजों
बल्ला दैसानि मारुयाव फरायसुला-फरायसुलि, फोरोंगिरि आरो सांग्रां
नोगोरारिफोखौ लानानै खुंनाय सावराय मेलनि हाबाफारिखौ जागायो
डकुवा गोजौ फरायसालिनि गाहाय (□ 5 बिलाइआव)



श्री श्री शंकरदेब मुलुगनां
जथुमसालियाव राइज्यो सरकारनि
आबहावा आरो हाग्रा बिफाननि
गेजेरजों खुंजानाय 66 थि जिव-
जुनात सप्ताहनि जोबथा
हावाफारियाव गाहाय आलासि
महरै बाहागो लानानै बिबुंथि
लाखिनानै गिबि मन्थि सर्बानन्द
सनवालआ बे बाथाखो बुंथियो।
गिबि मन्थि सनवालआ बुडोदि,
रोजोब हाग्रा ओन्सोलाव मोनसे
हाग्रा संमन्डल फसंनारनि
थाखाय राइज्यो सरकार थांखि
लादों। दिहिन-पाटकाइ जयपुरजों
फोनांजबनानै माहारियारि पार्क
मोनसे खालामनायनि थाखाय राहा
लानाय जादों होनानै बुंबावो।
(□ 5 बिलाइआव)

सुजुगिरिनि खोलोम

देहा सांग्रांथियै लाखिनाय आरो सोलायनायनि गोनांथि

गोदो-गोदाय समनिक्रायनो गमिआव रइजो जाबोनाय जौनि सुबुफोरा थानायनि थाखाय न'बां आरो जानायनि थाखाय मैंग-थाइंग'फोरखौ गोबांसिनै मिथिंगा बिखानि सोर्जिनाय मुवा-बेसादफोरजौनो सोलिनाडोमोन एबा मोनफुंनो हानाय जायखि-जाया मुवा-बेसादफोरजौनो बै समाव गोनांमोन। आधिखालाबो मिथिंगानि सोर्जिनाय जायखि-जाया मुवाफोरानो सुबुनि बाहायनो हाथाव । न'-बांनि थाखाय सुबुफोरा औवाजो लोगोसे बाथा जिगाब,थुरि जिगाब,ऐंखोर,राइदो-गालां बाइदि मिथिंगानि सोर्जिनाय मुवाफोरजौ लुनानै सोलियोमोन। बेफोर मुवाफोरा लार्से लार्से जोबघ्रानानै फेनायाव सुबुफोरा गुबुन राहाजो न'-बां लुनानै थानांगो जाबाय । औवानि अनगयै दानि समाव बाथा जिगाब, थुरि जिगाब,ऐंखोर,राइदो-गालां मोनांगोवा गोब्राबसै । थुरिनि सोलायै दि, ऐंखोर-बाथानि सोलायै औवा, राइदो-गालानि सोलायै दिरु-गुना बाहायनानै न'-बां लुनायाव बाहायनो लार्से । मिथिंगानि बिखायाव मोनफुंनो हानाय बेफोर मुवा-बेसादफोरजौनो गोमालानो हमनायनि जाहोनखौ गोबाडनो गोबां बाथा बान होनानै बुडोवलाबो बेनि थाखाय गुबैयै मिथिंगाखौ अनो रोडैयानो गाहाय जाहोन । मोनसे समाव मिथिंगा बिखायाव मोनफुंनो हानाय बाइदिसिना रोखेमनि मुलियारि गुनफोरजौ बुंफबनाय मैंग हारिनि बेन्दो-बेनला,बिफां-लाइफांफोराबो लार्सेयैनो बाडय जाबोनाय नुनो मोनबाय । उननि समफोराव बेफोरबो गोमा हानाय नड बेखौ बुंनो गोब्राव । सुबुफोरा समजो लोगोसे सोलायनानै आधिखालनि बे थासारियाव सौफेदो । गोसोनि सान्नाय-हनाय,मावनाय-दानाय,जानाय-लौनाय,गान्नाय-जोमनाय,थानाय जेरावबो सुबुनि जिडयाव सोलायनाय फौदो । बिब्दि थासारि सौफेनायाव सिगांनि हुदाफोराबो लार्सेयैनो सोलायलादो । सोलायनाय जिड खुंनानयि थागिदायाव सुबुफोरा मुलियारि गुनजो बुंफबनाय मैंग हारिनि बेन्दो-बेनला, लाइफां हारिनि मैडू-मैलाफोरखौ नागारनानै सोलेरनि खहा जाथावना मुवा-बेसादफोरखौ बाहायनानै बाइदिसिना बेराम-आजाराव गोग्लैनायबो आधिखालनि समाव नुनो मोनो ।

सुबुफोरनो सोलायनायनि गोनांथि दंधारो नाथाय सोलिनानै फेनायखौ नागारनानै जानो नाड । जाय मुवा-बेसादफोरा जौनि देहानो ऐसेयैवलाबो मुलियारि गुन जगायनानै सोलेरखौ थाजिम लाखिनायजो लोगोसे गोखौ खालामनायाव मदत होयो । जौनि सोरगिदिं मोनफुंनो हानाय,गोदो-गोदायनिक्राय बाहायबोनाय उसुमै,बारसिखा,मानिमुनि,लाफासइख',थाराइ,दौस्रैम,मैसुंखा बाइदिसिना हाग्रानि लाइफां हारिनि मैंग-थाइंग'फोरा जौनो थोजेडेमैंग-मुलियारि गुन जगायनानै होनो हागो । बेफोर हाग्रानि बेन्दो-बेनला,बिफा-लाइफांफोरखौनो सोदानानै बाइदिसिना रोखेमनि मुलि बानायनानै बेराम-आजार फाहामनायाव बाहायनो हानाय जायो । दासान्दि बोथोरा सोलायनानै फेनायाव बिदुनि थासारिया एखनब्ला गुसु एखनब्ला गुदु जानायाव सुबु देहायाव ऐसेयैवलाबो गोहोम गोग्लैफेयो । बिब्दि समाव देहानि फार्से जोथोन लाखिनाया जोबोरैनो गोनांथार आरो गावजो लोगोसे नख रनि सुबुफोरखौबो करना भाइरानि बे बोथोराव सांग्रांथियै थानानै बेराम-आजारनिक्राय रेखांथियै थानायनि राहा लानांगो आरो बेयो बयनिबो थाखाय गोनांथार । १

दिनैनि फानजामुधि

राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड ङ) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ड फ) मकर : ख ज कुम्भ : ग श (स) मीन : द च (ख ज झ)

- मेष :** मानिबा थाखाय जिंगा सिनानो हागो । गोजोनाय मोनैजौनो दिनखौ बारहो नांगोन । गोसो हमथा ।
- बृष :** मानिबा जाहोनाव खस्ट बुगिनानो हागो । गोसोखौ सांन्थि मोनाय नड । गोसो हमथा ।
- मिथुन :** बादायनायाव देरहासार जानो हागोन । बयजौबो बाख्नाय जानो मोनगोन । मोजां सान ।
- कर्कट :** माबेबा खामानियाव हँथा होजानो हागो । सान्नाया जाफुनाय नड । गोसो हमथानानै था ।
- सिंह :** खामानि-दामानियाव मुखुब जानानै थानानो हागो । देरहाखौ सांग्रांडे लाखिनांगोन ।
- कन्या :** जेखि मावा फालांगिआव मुलाम्फा खालामनो हागोन । रांखावरि बुथुमनानै लानो हागोन । मोजां सान ।
- तुला :** माबा मोनसे मावनाय आय खालामनो हागोन । फालांगिआव मोजां जागोन ।
- वृश्चिक :** माबा मोनसे जैनानि थाखाय गोसोआ गोजोनाय मोनै मोनगोन । गोसोखौ हमथानांगोन ।
- धनु :** नखरनि मोजां खामानि मावनाय लानो हागोन । जौगाखानो हागो । गोथार सान ।
- मकर :** रंजा-बाजा खालामनानै दिनखौ बारहोहरनो हागोन । जैरबो गोजोनाय मोनो हागोन । मोजां सान ।
- कुम्भ :** जिडआव माबा मोनसे थांखिआ जाफुडैनि थाखाय गोसोआ बायगोन । गोसोखौ हमथा ।
- मीन :** जेखि जाया सोलो-बाहायनानै खामानिखौ मावनो हागोन । जैरबो देरहासार जानो हागोन ।

गियान आरो बिगियाननि ओथि

हिन्दुफोरनि गोथार बिजाब गीतायाव 'गियान' आरो 'बिगियान' सोदोबनि ओंथिखौ बरनायनानै होनाय जादों । आनान ग'साइ श्रीकृष्णया गावनि खुगाजों गियान आरो बिगियाननि ओंथि आरो गोनांथिखौ बिसिगि अर्जुननो बेखेवनानै होलादों । श्रीकृष्णया बिबुंसारलानाय बाथ्राफोरखौ गीतानि स्निधि बाहागोयाव लिरनाय जादों । आनान ग'साइ बुंलानाय बाथ्राफोरखौ गाहायाव सुंद'यै बुंफोरनानै होनाय जाबाय । बर' रावजो फरायग्रा सुबुफोरा गीतायाव लिरनाय गियान आरो बिगियाननि सोदोबनि ओंथिखौ मिबथिनो मोन्थो साननानै बे लिरथायखो दिहुनहरनाय जाबाय । फरायनानै नायनायसाय -- । आनान ग'साइ श्रीकृष्णआ बुनायसै, खोनासं अर्जुन, नौनि गोसो मोदोमखौ आनियार गथायसोनानै गोसोयाव जिंगा लायालाबा अरायबो आंखौनो अन्सायबाय था ।

(1) गियान आरो बिगियाननि सोमोन्दै आं नौनो बिबुंसारनानै होनोसै । गियान आरो बिगियाननि सोमोन्दै बिभुंडै मोन्थिजोबखडाडोब्ला, नौनो आरो गुबुन गियान नांलिया जागोन ।

(2) रोजा रोजा सुबुफोरा गोरोन्थि गोनां हाबा मावनायनिक्राय बारग'नो आरो निस्थार मोननो नाजायोवलाबो बिसोरनि मादाव सासेसोयाल' निस्थार मोननो हायो । बिसोर निस्थार मोननाय सुबुफोरनि गेजेरावबो सोरबा सासेयाल' आनान ग'साइखौ मोन्थिस'नो हायो ।

(3) आंखौ हा,दँ, बार, अ र, अखां, गोसो, मेलेम आरो सान्थौफोरयाव नागिरनानै मोनगोन । बेफोर गासिबो आनि मोनफा मोनफा बाहागो । नाथाय बेफोरनि अनगयैबो आनि गुबैथिया जाबाय, आं गासिबो जीब-जीबिनि जीउ आरो आनो बयनिबो जीउमा (परमात्मा) । बे बाथ्राखौ नौ मोन्थिनानै लायो ।

(4) नै अर्जुन, नौ मोन्थिनानै लाबाव दि, गासिबो जीब-जीबिहा जीउ-आरो जीउमानि गोनां जायो । जीब जीबिफोरखौ आंनो सोरजिजोबदों । बिसोरखौ आंनो लाबोफिनोबो । आं बयनिखुडबो गेदेरसिनि । आंजो समान रावबो गैया ।

(5) नै कुन्तीनि फिसाज्ला, दैनि म'हर लानानै आं बयनिबो गांनयाखौ थाजिम खालामो । सान आरो अखाफोरनि जौमा महरयाबो आनिनो मोनसे महरा "ऊँ" होनानै गाबजियोवला आंखौनो गाबजिनया जायो । सुबुफोरना आं लुबैनयाव लेखा जोनोम लायो, संसारव राइजो जायो आरो थैनानैबो थाडे

(6) हानि गुबै महर, अरनि जौंथि महर, गासिबो जीब-जीबिनि जीउ आरो रोंग'नाय बारग'नायफोरनि दिन्थि बिदिन्थिफोरा आनिनो मोनफा मोनफा महर ।

(7) नौ मोन्थिनानै ला अर्जुन, गियान आरो बिगियान आंनो । गोरा गोरा, बोलो गोराफोरनि गोहो-बोलोयाबो आंनो । गोसोनि साननाय आरो हांखायनायफोरा गासिबो नंखाय बाख्नायजोबा सुबुफोरनि धोरोमाया आंनो । आंखौल' अरायबो अनसाय ।

(8) आंनो बयखौबो सोरजिदों । मोनाब्लाबो जागोन होनानानै थाप्रा थाल्फा सुबुफोरखौबो आंनो सोरजिदों । लुबैसुला आरो गोरीया सुबुफोरखौबो आंनो सोरजिदों । समया सौफेनाय लोगो लोगो बयबो आंनो सन्देरफेजोबो । आंखौ मोननोब्ला लुबैनयाव, हास्थानयाय आरो बानाय आखुफोरखौ नागारजोबनो हानांगोन । मानोना बिदि गिन्ना गुन गोनां सुबुफोरखौ रावबो मोजां मोना । आंनो बिसोरखौ सैया ।

(9) आंनि साथिसोम फैनो थाखाय सुबुनि बे मोनथाय गुनखौ बारग'नो हानांगोन । खोनासं अर्जुन, गिन्ना, जाम्बा आरो गंगार आखुनि सुबुफोरा आंखौ बावनानै थांफलायो । संसारनि मायानि बेन्दोफोराव देबोर नांनानै सुबुफोरा पापनि

हाबा मावबाय थायो आरो बिसोर रौ रौ नरकफारसिं थाबायलाडो ।

(10) खोनासं अर्जुन, संसारनि मोनबै रोखोमनि सुबुफोरया आंखौ गोसोखाडों । जाय सुबुड बिपदयाव गोम्लैदों बियो आंखौ गोसोखाडों । जाय सुबुड गियान मोननो लुबैदों बियो आंखौ गोसोखाडों । जाय सुबुड धोन बुधुमनो हास्थायदों, बिबो आंखौ गोसोखाडों । जाय सुबुड थरैनी गियान गोनां आरो आंखौ फोथायो बेबो आंखौ गोसोखाडों । बिसोरनि मादाव जाय सुबुड गियान दं जायो, बियो आंखौ मोननो हायो । मानोना आं बिदि सुबुखौसो मोजां मोनयो आरो अननो ।

(11) गोरो गहाम आरो बारग'नाय सुबुफोरा आंखौ मोनदंनो मोनो । बेबादि सुबुड गाबनि गोसो मोदोमखौ आनान ग'साइनाव ह'गारसरनानै होयो । बियो आनान ग'साइखौ मोननो थाखाय अरायबो बिथांखिखौ लायो ।

(12) सासे सुबुड रोजा रोजा जोनोम लाखानायनि उनावसो आंखौ मोनदंनो हायो । बेबादि सुबुड मोन्थिनो हायोदि आंनो बे संसारनि बिगोमा । बेबादि सुबुखौ संसाराव मोननो गोब्राव ।

(13) गावबागाव लुबैनयाव आरो हास्थानयायफोरखौ मोनफुंनो बिथांखिखौ लानानै सुबुफोरा मोदायफोरखौ सिबिनो लायो । गाव गावनि फाव आरो मुवाफोरजों बिसोरो मोदायफोरखौ फुजियो । बिसोर गावसोरनि लुबैनयाव आरो हास्थानयायाव बे बादिनो बोहैलांखार जायो ।

(14) गोसोयाव गोगोम फोथायै लानानै सिबिग्रा सुबुड आंनिमिसम दावगाबोनो खाबु मोनगोन । गुबुनफोरा लैथेर फेथेर जालांजोबगोन ।

(15) गोसोयाव फोथायथि लानानै मोदायखो सिबिनायाव गावनि हास्थानयायखौ जाफुस्मर होनायबबो आंनिनो आखाय दं । आं होयोब्ला, मोन्थिनानै लाखादि, संसाराव रावबो मोनबो मोननो हाया ।

(16) गियान गैया रोडैनि हास्थानयाय आरो लुबैनयावफोरा जाफुब्लाबो बेफोर दान्दिसेनि उनाव गोमोरलांफिनजोबो आरो थुंगिलाडो । जाय सुबुड आंखौ सिबियो बियो आंजों लोगोसे जुगामी जायो ।

(17) आंनि अंबलाउरी, फैलाव आरो रिजायनो हाथावै गुन आरो महरखौ गियान गैजारोडै सुबुफोरा मोन्थिस'नो हाया । बिसोर आंनि महरनि सावगासिखौ मिथिया ह'सिया आखिनानै दिन्थिबायनो नाजायो ।

(18) आं जेरावबो गोसारनानै दं, थेवब्लाबो आंखौ मोनसे महर एबा मुसुखायाव खानानै दोननो हाया । संसारनि गासिबोहा

जुरिजेननाय दं । बिसोरहा जोबथानायबो दं । आंहा गुदि गैया, आं जोबनोबो रोड ।

(19) नै अर्जुन, बयनिबो सोमोन्दै दिनेनि आरो गाबोननि सोमोन्दै आं मोन्थिजोबगौ । नाथाय आंनि सोमोन्दै रावबो मोन्थिजोबनो हाया ।

(20) संसारनि जीब-जीबिफोरा जोनोम लानानै माखौबा मोजां मोनो आरो माखौबा सैया । बिसोर सैनाय सैये बाथ्राफोरखौ लानानै आन्दाय हारा जानानै थायो ।

(21) गियान गोनां गुनि सुबुफोरा बेफोर बादि आन्दा हारा जानानै पापनि हाबा मावया । बिसोर आंखो हास्थानयानै आरो आंखौनो सिबिनानै अरायबो गोथार सुबुनि हाबा मावयो ।

(22) गोसो मोदोम होसारनानै आंखौ सिबियोब्ला संसारनिक्राय बारग'नो हायो; जावले जावले जोनोम लानानायनिक्राय निस्थार मोनयो आरो थैनानै थांबाय थानायनिक्राय मुक्ति मोनो । जाय सुबुफोरा आंखौ फोथायो बिसोरनि मावनाय दंनयाय आरो साननाय हनायाव आं बेरखौफेयो । बिसोर दंनयाय आरो साननाय हनायाव आं बेर खौफेयो । बिसोर संसारनिक्राय थैनानै थांखांनयनि उनाव आंजों सन्देरहैयो ।

बकुल बसुमतारि

एमपि आरो एमएलएफोरखौ पुलिसनि ग्रेप्टार खालामनांगौया जेंना गोनां : सुप्रिम कर्ट

गोदान दिल्ली, 7 सेप्टेम्बर : सुप्रिम कर्ट आ थाखानाय एमपिफोर आरो एमएलएफोरनि हँथायै गोग्लैसोनानै थानाय केसआव पुलिसनि बिसोरखौ ग्रेप्टार खालामनायाव मोजां आखु दिन्थियै एबा कर्टआव दिन्थियैखौ जेंना गोनां केस होनानै फोरमायदों । बेनि गेजेरजों सुप्रिम कर्टआ जिंगा सिनाय फोरमायनानै बुडोदि, पार्लियामेन्ट आरो बिधान सभानि सोड्रोमाफोरनि हँथायै के सफोरारव पुलिस बिबानगिरिफोरा आइजो एमएलएफोरनि नारसिनायाव फेयो । बेनिखायनो बिसोर एमएलएफोरनि हँथायै केसफोरखौ लोगोसे जास्टिस



रमनाआ बेखौबो बुडोदि, माखासे हाइ कर्टआव बिसोरनि जेंना गोनां केसनि हियारिनि थाखाय भिडिअ कन्फेन्सिनि सुबिधाखौ दाबि देखंगासिनो दड । अ द बा नि

आरो एमएलएफोरनि हँथायै गोदान गोग्लैसोनानै थानाय जाथायफोरनि खंफोरथि मोनबाय । राइज्योआ भिडिअ कन्फेन्सिनि सुबिधाजों गोबां गोग्लैसोनानै थानाय केसफोरखौ थाबैनो फोजोबनो हासिगोन । बे केसयाव लोगो बिजिरगिरि महरै थिसन जानाय गागि उकिल बिजय हन्सारिया बुंनयाव बायदिव्ला नोजेर होसेयावबो हाइ कर्टआव आगु आरो आधिखालाव एमएलए आरो एमपिफोरनि हँथायै थाद'नायनै थानाय केसआ बांगासिनो दड । बेनिखायनो हाइकर्टआ बेखौ थाबैनो फोजोबनायनि गोनांथि दड ।

हादतगिरि ट्राम्पनि पस्टनि सायाव फेसबुक, टुइटारआ एक्सन लादों

वाशिंटन, 7 अक्टबर: फेसबुक आरो टुइटारआ आमेरिकानि हादरगिरि डनाल्ड ट्राम्पनि टुइटआव करनया खालि मोनसे फ्लु वायदि बुंनयनि हँथायै एक्सन लादों । ससेल मिडिया कम्पानीफोरा बेखौ करना भाइरसनि सायाव नंखाय खौरां होनाय पस्टफोरनि थाखोआव दोनबाय । फेसबुक आ बे पस्टखौ बोखारनानै होबाय, नाथाय बेनि सिगां 26 रोजा शोयार खालामनायाव जाबायमोन । कम्पानीनि सासे बुंधिगिरिआ बुंदों, कभिड-19 खौ लानानै मोनसे गोरोन्थि खौरां होनायखौ बोखारनाय जाबाय । टुइटरआबो



बेबादिनो ट्राम्पनि टुइटरखौ वार्नि एबा सांग्रांथि थाखोआव दोदों आरो बुंदोदि, बेयो कभिड-19 नि गोरोन्थि खौरां होनायने नेमखान्थिखौ सिफायदों । मख'जाथावदि, 2019-20 आव आमेरिकायाव फ्लुजों 22 रोजा सुबुफोरा थैदोंमोन । बेराफार्से करना भाइरसजों 2 लाख 10 रोजा सुबुफोरा जिड

बिगुर सायाव करना भाइरासआ 9 घन्टासिम थानो हागौ



गोदान दिल्ली, 7 अक्ट'बर : करना भाइरासनि सायाव मुलगानाडै सदानदों । सानफ्रामबो मोनसे नड मोनसे गोदान खौराड सोराडव फेदों । सदाननायाव मोनथिनो मोन्दोदि, करना भाइरासा बिगुर सायाव 9 घन्टासिम थानो हागौ । सदानगिरिफोरा गेस एक्सचेन्स हाबाफारिनि गेजेरजों सार्जिकेल मास्क गान्नायनि गोहोम गोग्लैनायखौ सदानदों । देहायाव थानाय थैयाव अक्सिजेन हाबफेनाय आरो कार्बन डाइ अक्साइड ओंखारनाय हाबाफारिखौ गेस एक्ससेन्ज बुंनया जायो । आन्जादसालियाव बिगुरनि सायाव सदाननायनि उनाव बिगियानगिरिफोरा दाबि देखांदोदि करना भाइरासा बिगुरआ 9 घन्टानिक्राय बांसिन सम सांग्रां जाना थायो । एल्कहल थानाय सेनिटाइजरखौ बाहायनानै एबा 20 सेकन्डसिम साबुन दैजों मोजाडै आखाय सुनानै करना खैफोदखौ होबथानो हागोन ।

करना भाइरासआ खर' मेलेमयावबो गोहोम खोख्लैदों

गोदान दिल्ली, 7 अक्ट'बर : कभिडि-19 नि इनफेक्सनआ बयनिखुडबो सिगां हां लाग्रा नालायाव गोहोम खोख्लैयो । बेनि उनाव बेयो देहानि गुबुन अंगफोरखौबो गावनि बंखनयाव लायो । नाथाय बे इनफेक्सननिक्राय मोजां जानायनि उनावबो सुबुफोरनाव माखासे बेराम जानाया नुजाथिदों । गहाम जानायनि उनाव बिसोरनाव स्टूक जादों, थै रोदाफोराव जेंना सोमजिदों, पैरालाइसिस, मोखांनि महरा जेंना गोनां जादों आरो थायसे मेगनआ मोजाडै गेवयैनि जेंनाबो नुजाथिदों । गिबियावनो एलार्जि, अस्थमा, टिबि एबा हां बानायनि जेंना गोनांफोरनाव बेबादि जानायखौ नुनो मोननाय जादों । जाय सुबुफोरना गिबियावनो निउर' जेंनांजों भुगिनदों आरो करनानि बंखनथायाव गोग्लैनायफोरनो खर' मेलेमजों सोमोन्दो थानाय मुलिखौबो होनाय जादों । खर' मेलेमनि मुलिखो जाबाय थाब्ला इम्पुनिटिआ लोरबां जायो । करनानिक्राय गहाम जाबायब्लाबो निउर' बेरामजों सोमोन्दो थानाय मुलिखौ जाबाय थानांगो ।

मिरु नख 'र मन्थि अमित शाह आ आरएफनि 28 थि बोसोरारि सानआव हामब्लाथि बाउहरदों

गोदान दिल्ली, 7 अक्टूबर: सेन्ट्रल रिजार्भ पुलिस फर्स (सिआरपिफ) नि जर'खा आफाद रेपिड एक्सन फर्स (आरएफ) नि 28 थि बोसोरारि सानआव नख 'रारि मन्थि अमित शाहआ थांनय मंगलबारखालि टुइट खालामनानै हामलायथि बाउहरदों। बे समाव गुरुग्रामआव थांनय सिआरपिफ एकाडेमिआव मोनसे जर'खा पेरुड खुडो। मख 'नो गोनांदि, थांनय 1992 माइथायाव सिआरपिफनि जर'खा फर्स



आरएफखौ दायो। बे जर'खा फर्सआव 15 बेटेलियन थायो। बेखौ दाडाबाजि बायदि

सांगांथि गोनां थासारिफोरनिक्राय बारग 'नो आरो उफ्रा रेखाथिनि थाखाय दानाय जायो। बेनि गेजेरजों

आरएफआ जोबोद बाडाइ समनि गेजेरावनों खैफोदनि थासारि सोमजिनाय जायगायाव सौहैयो। बेबादिनो सरासन्सा सुबुंफोरनि गेजेराव सौहैनानै बिसोसो रेखाथि होग्रा आरएफआ सुबुंफोरनि गेजेराव बे फोथायनायखौ सोमजिहोयोदि, बिसोर सुबुंफोरनि रेखाथिनि थाखाय जेब्लाबो थियारिये थायो। बिसोरनि गेजेराव आइजो जवानफोराबो थाफायो, जाय आइजोफोरा खैफोदजों जुजिनो हायो। बे फर्सनि जवानफोरखौ इउएन गोजोन मिसननि थाखायबो दैथायहरनाय जायो।

गाहाय मन्थिनि रोजा कौटि रांनि उरां जाहाजनि सायाव मानो सोंथि सोडा : राहुल गान्धी

पाटियाला, 7 अक्टूबर : आबाद आयेनि हँथायै राहुल गान्धीआ मदि सरकारनि हँथायै गोखों जादों। कंग्रेस दैदेनगिरि राहुल गान्धीआ 'कि सान बचाओ यात्रा'नि समाव गावनि ट्रेक्टरयाव लागायनाय गादीनि सायाव सोंथि सौनाय बिजेपिनि दैदेनगिरिनि सायाव थांखिनानै बुंदों, बियो आंनि ट्रेक्टरनि गादीखौ नुदों। नाथाय टेक्स होग्राफोरनि 8 हाजार कौटि रांजों बायनाय आराम आरो मोजां एयर इन्डियानि उरां जाहाजखौ नुवाखै। राहुल गान्धीआ किसान बाचओ यात्रानि थामथि सानयाव पाटियालायाव



खौरांगिरिजों सावरायलायनायाव ट्रेक्टरनि गादीखौ लानानै सोंथि सौनायनि फिन्नाय होनायाव बुंदों, गाहाय मन्थि नरेन्द्र मदिनि

थाखाय बायनाय बेसेन गोसा आरो लागारि उरां जाहाजनि सोमोन्दै मानो सोंथि सोडाखै। मदिआ हाजार कौटि राडाव बे उरां जाहाजखौ बायदों। मख 'नो गोनांदि, राहुल गान्धी, पान्जाबनि गिबि मन्थि, पान्जाब मामलाफोरनि आफादगिरिजों

लोगोसे माखासे दैदेनगिरिफोरा ट्रेक्टरयाव गादीनि सायाव जिरायनायखौ बिजेपिआ गावसोरनि आयदा बानायदों। मिरुनि मन्थि हरदीप सिं पुरियावो टुइट खालामनानै राहुल गान्धीखौ बेखन्दोंमोन।

मणिपुरनि उखरुलआव

4.3 गोखैथिनि बांग्रि मावदों

उखरुल, 7 अक्टूबर : मणिपुरनि उखरुलआव बुधबारखालि फुडव बांग्रिनि मावखांनायखौ हमदानो हादों। बेयाव सुबुंफोरा फुनि 3 रिगा 32 मिनटयाव बांग्रि मावनायखौ मोन्दाडो। नेसेनेल सेन्टार फर सिस्मलजीआ फोरमायनाय बायदिव्ला रिक्टर स्केलआव बेनि गोखैथिखौ 4.3 थै सुनो मोन्नाय जायो। बे बांग्रिनि जाहोनाव आथिखालाव रावनिबो जिउ खहा जानायनि खौरां मोन्नाय जायाखै।

मख 'नो गोनांदि, बेनि सानसे सिगां थांनय मंगलबारखालि सान्जा लेहआव बांग्रि मावनायखौ हमदांदोंमोन। बेयाव फुनि 5 रिगा 13 मिनटआव बांग्रि फेदोंमोन, जायनि गोखैथिखौ रिक्टर स्केलआव 5.1 डिग्रिये सुनो मोन्नाय जादोंमोन। एनसिएसनि बाइदिव्ला, बांग्रिनि मिरुआ सान्जा लेहनि 174 कि:मि: गोजानावमोन। बेयाव रावनिबो जिउ खहा जानायनि खौरां मोन्नाय जायाखैमोन।

गोदान दिल्ली, 7 अक्टूबर : कभिड-19 इनफेक्सनआ भारतनि गोदान मिडिया सिननखौ दिन्थिदों। हादतनि 74 जौखोन्दो भारतीय खौरां सेनेलफोरखौ मोगाथांयारि खौरांनि सोलायै रंजाथायनि बिजों मानिनां लादों। आइएनएससि बटार मिडिया कन्जुम्पसन ट्रेकरनि बावैसो सिगां साभें खालामनानयनि बे बाश्राया सोरांआव फेदों। नायबिजिननाया बाहागो लानाय सुबुंफोरनिगाव जेब्ला भारतआव खौरां सेनेलफोरा खौरां

73.9 जौखोन्दो भारतीयफोरा खौरां सेनेलखौ रंजाथाय होग्रा बिजों महरै गनायदों



फोसावनायनि मुडै रंजाथायखौसो बांसिनै दिन्थियो बे बाश्राखौ गनायोनामा होना सोंथि सौनायाव 73.9 जौखोन्दो सुबुंफोरा बेखौ गनायदों। बेनि अनगायै बे बाश्राखौ 22.5 जौखोन्दोआव गनायाखै आरो 2.6 जौखोन्दोआ मिथिया होन्दों आरो सोरखावा जेबो फिन होयाखै। निउज सेनेलफोरा खौरां फोसावनायनि मुडैरंजाथाय होग्रा बिजों जाबाय होन्नाय बाश्राखौ गनायाग्रा सुबुंफोरनि गेजेराव 75.1 जौखोन्दोआ हौवाफोर आरो 72.7 जौखोन्दो

आइजोफोर। गासैबो बैसोनि सुबुंफोरनि फिनआ रोखोमसेमोन आरो 55 बोसोर बैसोसिमनि 70 जौखोन्दो सुबुंफोरा गनायदों। बेनि अनगायै 55 बोसोरनि बांसिन बैसोनि सुबुंफोरनि 68.7 जौखोन्दोआल' बेखौ बानायदों। खम आय गोनां थाखोनि 75.9 जौखोन्दो आरो गुबुन थाखोनि आय गोनां सुबुंफोरनि 70 जौखोन्दोनि बांसिनआनो बे बाश्राखौ गनायदों। गुबुन गुबुन समाजयारि हान्जानि जैरे दलित

हारिनिया 72.1 जौखोन्दो हिन्दुआ 73.5 जौखोन्दो, शिक समाजनि 85.3 सुबुंफोरा गनायदोंदि, निउज सेनेलआ खौरांफोरनिफ्राइ बांसिन रंजाथाय होग्रा बिजों जाबाय। बे साभेंखौ गासैबो राज्जोफोराव थांनय गासैबो जिल्लाफोरनिफ्राय फेनाय सा 5,000 नि बांसिन सुबुंफोरजों बाश्रा सावरायदों आरो सोंथि सोनाय जादों। बे साभेंखौ थांनय सेप्तेम्बरनि जोबथा सप्ताहनिफ्राय अक्टूबरनि गिबि सप्ताहसिम खालामदोंमोन।

फोरबो बोथोराव करनाखौ लानानै सरकारआ गोखों हाबाफारि जागायसिगोन

गोदान दिल्ली, 7 अक्टूबर : सरकारआ फोरबोनि बोथोर आरो राइज्जोआरि थांलाय-फैलायखौ आनलक खालामनयाखौ नोजोर होनानै कभिड-19 खौ लानानै मोजां आखुनि थाखाय थाबैनो मोनसे अभियानखौ जागायसिगोन। मिरुआरि नख 'र सेक्रेटारि अजय कुमार भल्लाआ बेनि यजनाखौ बानायनो थाखाय गुबुन गुबुन मिरुआरि बिफानफोरनि राजथान्दैफोरजों लोगोसे भिडिअ कन्फ्रेन्सिनि गेजेरजों मोनसे जथुमा खालामो। बेयाव मिरुआरि रेखाथि हान्जानि राजथान्दैआबो बाहागो लायो।

सुलुडव फोरमायनाय बाइदिव्ला, बे जथुमायाव करना भाइरास महामारिजों दावहा नांनयाव सुबुंथियारि आखुनि मोन 3 गाहाय सान्नाय-हनायनि सायाव बिथा खालामनानै माबायदि अभियान सालायनाय जागोन बे बाश्रानि सायाव सावरायनाय जायो। बे मोन 3 गाहाय सान्नाय-हनायाव मावथांरांजों हाबाफारि महरै मास्क गान्नाय, समाजयारि जाथ्थाइ आरो आखाय सुनायाबो दंफायो। बे गोदान बिथोनफोरनि गेजेरजों गुबुन गुबुन थांलाय-फैलायखौ जागायनायखौ नोजोर होनानै आयेन आबुथि गोनां आखुनि सायाव बोलो होनाय जागोन। बेनिखायनो बेनि थाखाय अभियान सालायनायनि गोनांथि दड होन्नानै मोन्दांनया जादों, मानोना नवरत्रि, दिवाली, छठ, क्रिसमास आरो मकर संक्रान्ति (दमासि) बायदि फोर्बोफोरा फेगासिनो दड।

सुबुंफोरनि सायाव 'एन्टिसेरा'नि गिबि

खोलोबखौ आन्जाद नायनो गनायथि होबाय

गोदान दिल्ली, 7 अक्टूबर : ड्राग्स कन्ट्रोलर जेनेरेल अफ इन्डिया (डिसिजिआइ)आ 'एन्टिसेरा'खौ सुबुंनि सायाव गिबि खोलोबनि क्लिनिकेल ट्रायेल नायनो गनायथि होबाय। बेखौ करना भाइरासनि हँथायै भेक्सिनखौ थियारि खालामनो



थाखाय बानायनाय जादों। आइसिएमआरनि बिथोनगिरि

डा: बलराम भार्गवआ बुंदों, बायलजिकेल लिमिटेडजों लोगोसेयै 'एन्टिसेरा'खौ बानायनाय जादों। एन्टिसेराआ मोनसे ब्लाड सीराम, जायखौ देहायाव थांनय एन्टिजननि जाहोनाव सोमजिखानाय एन्टिबडियाव मोन्नाय जायो। आइसिएमआरया मोनसे टुइट खालामनानै फोरमायदोंमोनदि, हाइड्राबादिनि कम्पानिजों लोगोसेयै करना भाइरासनि फाहामथायनि थाखाय मोजां एन्टिसेराखौ थियारि खालामनाय जादों। बेखौ संदानायनि थाखाय मा 10 था गरायखौ बेहुस खालामनानै करना भाइरासनि इन्जेक्सनखौ थुनाय जादोंमोन। बे इन्जेक्सनखौ थुनाया 21 सान जानायनि उनाव बिनि फ्लाम्बनि नमुनाखौ नायबिजिननाय जादोंमोन। बे नायबिजिननायाव करना भाइरासनि हँथायै दावहा नांनो हाग्रा एन्टिबडिखौ मोन्नाय जादोंमोन।

काश्मीर, 7 अक्टूबर : जम्मू-काश्मीराव रेखाथि हान्जानि नायबिजिननायाव सानै उतखारिफोर थैयो। शपियां जिल्लानि सुगन गामियाव हर गेजेरसिम सोलिननाय गावलायनायनि उनाव रेखाथि हान्जाआ फुडव बे सानै उतखारिफोरखौ गावथारो। काश्मीर पुलिसनि आइजिआ सानै उतखारिफोर खौ बुथारनायनि खौरां होनानै बुंनय बायदिव्ला, सानै सिनाय मोनै उतखारिफोरखौ बुथारनाय



जाबाय आरो आथिखालाव सोलिगासिनो दड। बे

बेयाव गोखों अपारेसनआ गावलायनायनि आद्रा थांनय

खौरांखौ उनाव होनाय जागोन। अदेबानि आइजिआ बुंवावदों

सान्थि हान्जाआ थैनाय उतखारिफोरनिक्राय सिलाय आरो बेरफु ग्रा बेसाद नागिरनानै मोन्नाय जादों। बेराफासैं जि मिडियाजों सावरायनायाव जम्मू-काश्मीर पुलिसनि बिबानगिरिआ बुडोदि, गासै उतखारिफोरखौ सारे न्डार खालामनो थिन्दोंमोन नाथाय गावजों गाव बाश्रानि फायरिजोंसो होनाय जायो। बेनि उनाव उतखारिफोरखौ गावलायनायाव गावथारो।



रहतांग, 7 अक्टूबर : हिमाचल प्रदेशनि कुल्लु जिल्लायाव बानायनाय 9.02 कि:मि: नि गोलाव अटल सुरंगखौ बेखेवनायनि उनाव जाब्रबथाय जादों। मुलुगनि बयनिखुडबो गोलाव सुरंगआव बेखेवनायनि उनिनफ्रायनो दावबायारिफोरा दावबाय फेदों। नाथाय बेवहाय नेमखास्थिखौ फालिनाय जायाखै आरो जाब्रबथायनि मैहुर जानांदों। गाहाय मन्थि नरेन्द्र मदिआ 3 अक्टूबरयाव रहतांग दरनि गाहायाव अटल सुरंगखौ बेखेवदोंमोन। नाथाय बेनि अखानायैनो गावजों गाव सिगांग्रों थांनो नाजानायाव, सांगांथि गैयै ड्राइभिं खालामनय आरो सेल्लिफ लानो गोसो जानायाव मोन 3 जाब्रबथाय जादों। बिआरअया 10 बोसोर गोबां नाजानायनि उनाव 10 हाजार फुटनि गोजैयाव सुरंग बानायदों। बिआरअया जायगानि बिबानगिरिनाव सुरंगयाव मटर सालायगिरिफोरखौ नोजोर होनो थाखाय पुलिसखौ थिसनैनि दाय जाबसिन्दों। बिआरअनि गेजेरजों अजद होनायनि उनाव राज्ज्यो सरकारआ पुलिसखौ थिसन्दों।

गुदि सोलोंथायनि थाखाय बिमानि रावखौ सोलोंनाया गोनांथार : सुप्रिम कर्ट

गोदान दिल्ली, 7 अक्टूबर : अन्ध प्रदेश सरकारनि 1 निफ्राय 6 थाखो सिमनि गासिबो सर कारि फरायसालियाव इंराजि

आयदाखौ गोनांथार बानायनो बिथोन होनायखौ दोन्थ 'नायारि आर'ज गाबनायनि सोमोन्दोयाव हाइ कर्टनि बिथोन होनायखौ सुप्रिम कर्टआ होबथायनायखौ

नेवसिगारदों। सुप्रिम कर्टआ बुंदों, नीव (गुदि बिथा) नि थाखाय गथ'फोरा बिमानि रावखौ सोलोंनाया गोनांथार। गाहाय बिजिरगिरि एएए बबजे, जास्टिस एएस बपन्ना आरो जास्टिस बि.रामासुब्रमणियननि पीठनि सिगाडाव अन्ध

प्रदेशनिफ्राय नुजाथिनाय गागि उक्लि केबि बिश्वनाथनआ बुंदों हाइ कर्टनि बिथोनया निखावरि आरो गोम्लैसोनाय सुबुंफोरखौ गोहोम खोख्लैयो। बियो मोनसे साभेंनि गथायनाय खौरांखौ लानानै बुंदों, 96 जौखोन्दो बिमा बिफाया गथ'फोरखौ इंराजि

रावजों फोरोंनो गोसो जादों। बिनि सायाव पीठआ बुंदों, भारतया दरसेल' ओरैबादि हादत, जेराव गथ'फोरखौ गुबुन हादतनि रावजों फोरोंनय जायो आरो बिथोन होनायनि आयदाखौ लानानैबो जरखाफोरा दान्थे-बिदान्थे जादों।

बिश्वनाथनआ बुंदों, जिउयाव इयुनयाव आगय लांनो आरो खाबुफोरनि थाखाय इंराजि रावखौ सोलोंनाया गोनांथार। जुदि सुबुडा इंराजि रावखौ मोजाडे रोडोब्ला, बेनि थाखाय खाबु मोन्नाया सिमा गैयै जायो। गाव तामिलनाडु नि माखासे उक्लिफोरखौ मोनथिगो, जायफोर बिमानि रावजों सोलोंथाय लादों आरो आथिखालाव लोगोसे सुप्रिम कर्टयाव दान्थे बिदान्थे खालामनायाव जेनाजों मोगा मोगि जानाडो। मानोना बिसोरो बिमानि रावखौल' रायज्ज्यानो रोगों।

LOST

I have lost my original marksheet of B.A. vi Semester bearing Roll-A-12357 No. 0268 of the year 2012-13
If anybody have found please inform to the following address

Sri Sumandra Brahma
S/o- Binendra Brahma
Vill- No 1 Mestabari
P.O. Patgaon
Dist- Kokrajhar
(M)- 8474056490

EDUCATIONAL NOTICE

No. TE[Ex] Admn-2/2020/pt-1/476

POLYTECHNIC ADMISION TEST (PAT)-2020 RESULTS

The Results of Polytechnic Admission Test (PAT) 2020 for admission into the State polytechnics of Assam held on 3rd October, 2020 has been declared on 7th October, 2020 at 2.30 p.m. and will be available online at <https://dte.assam.gov.in> from 8/10/2020 after 12.00 noon. Candidates may check their results by clicking on the link "Polytechnic Admission Test - 2020 results" and by entering their Roll No. and Date of Birth. The date & time of uploading documents by the candidates for online counselling/ verification will be declared later on through leading Newspapers and at <https://dte.assam.gov.in>.

Sd/-
Director of Technical Education, Assam,
Kahilipara, Guwahati-19.

JANASANYOG/D/5529/20

No. ACE- 05/CHN/IFB/2018-19/228, Dated Kokrajhar the 6th Oct/2020

TENDER NO. 01 OF 2020-21 PRESS NOTICE (e-Procurement)

The Addl. Chief Engineer cum Director, PWD, BTC, Kokrajhar invites bids for 2 (Two) Nos. of work under Chirang (R&B) Division under SRE for 2020-21, amounting to Rs.271.769 Lakh (Approx.) from the eligible contractors registered under Class-I (A,B&C) category under PWD (Roads), Assam or BTC.

Details may be seen at website <http://assamtenders.gov.in> and also at the office of the undersigned during office hours.

Sd/-
Addl. Chief Engineer, Cum Director, PWD,
Bodoland Territorial Council, Kokrajhar

IPR(BTC)-38/2020

आइपिएलनि मेचफोरखौ हेट्टिक महरै देरहादों मुम्बाइ इन्डियान्सआ

दुबाइ, 7 अक्टबर: हादरनि बाइजोआव दासान्दि इउनाइटेड आरब इमारेटनि माखासे गेलेग्रा फोथारआव सोलिबाय थानाय 13 थि सिजन इन्डियान प्रिमियार लीगनि थानाय हरनि समाव गेलेनाय मोनसे मेचखौ रहित शर्मानि हान्जा दैदेन्नाय मुम्बाइ इन्डियान्स आरो स्टिभ स्मिथनि दैदेन्नाय राजस्तान रयेल्स हान्जानि गेजेराव मोगा-मोगि गेलेयो। बे गेलेनाय मेचखौ मुम्बाइ इन्डियान्स हान्जाया गासै 57 राननि फारगथियाव राजस्तान रयेल्सखौ गोलैयैनो फेजेन्नो हादों। गेलेनायनि सिंगा समाव लाइमोन गेलेगिरि सुर्य कु मार यादबनि गोखौ गेलेनायजों गासै 47 बलआव 79 रान खालामनो हानायनि हेफाजाबजों मुम्बाइ इन्डियान्सआ 20 अभासआव मोनब्रै उडकेट खोमाना गासै 193 रानखौ टार्गेट होनो हायो। बे राननि टार्गेटनि फिन्नायव राजस्तान रयेल्सआ सिगांनि गेलेनाय समाव लोरबां जानायजों आरु उडकेट खोमाना



लानानायनि जाहोनआव उननि गेलेगिरिफोरा हान्जाखौ टार्गेटसिम लानो हानायनिफ्राय फेलें जायो। अदेबानि 18.1 अभासआवनो गासैबो उडकेटखौ खोमाना लानानाययाव गासै 136 रानखौल' खालामनो हायो। बे मेचआव राजस्तानआ गेलेगिरि जस बटलारनि अनगायै गुबुन गेलेगिरिफोरा रान खालामनो हानायनिफ्राय एसे एसेयावनो फेलें जायो। गेलेनायनि जोबथा समाव जस बटलारनि सायाव हान्जाया मिर्जिथिनानै देरहानो हागोनखौ फोथायनाय लाखिदोंमोन। नाथाय बटलारआ

70 रान खालामनानै गेलेग्रा फोथारनिफ्राय बिदाय लानाडे। जाउनाव बे गेलेगिरिआ आउट जानाय लोगो लोगो हान्जाया जेन्नायनि फारसै रोखा जायो। गुबुन फारसैथि मेचआव सोलो गोनाडै बलिं खालामनाय जसप्रिट बुमराया मोनब्रै उडकेटखौ लानो हानानै हान्जानि देरहानाययाव गोनांथार बिफाव लायो। मुम्बाइ इन्डियान्सनि जानानै अपेनार बेटसमेन डिककआबो 23, केप्लेन रहित शर्माया 35, हार्दिक पन्डियाआ 30 रानखौ खालामनो हादोंमोन। फारसैथि

राजस्तान रयेल्सनि केप्लेन स्थिभ स्मिथआ बे सोलिफु आइपिएलआव रान खालामनो हानायनिफ्राय फेलें जाबाय थानायखौ नुनो मोन्दों। मख'नो गोनांदि, आइपिएलनि बेखेवजेन्नाय मेचखौ मुम्बाइ इन्डियान्सआ चेन्नाइनि आखाइयाव जेन्नायनि उनाव गुबुन गेलेबोनाय मोनथाम मेचफोरखौ फारियै देरहानो हादों। हेट्टिक देरहानायजों मुम्बाइ इन्डियान्सआ पइन्ट फारिलाइयाव दासिम गोजों सारिआव जायगा लानानै दड।

डिसेम्बरनिफ्राय आइ लीगनि फुटबल मेचआ जागायगोन

गोदान दिल्ली, 7 अक्टबर: हादरनि गोजामसिन फुटबल लीग बादायलायनाय आइ लीगनि बे सिजननि गेलेनायखौ कभिड-19 महामारिनि जाहोनआव दानमोनसे फावसायनायनि थांखि लादों। सुलुंनि बादिब्ला, कभिडनि गोसारनाय थासारिखौ नोजोर होनानै 1 दान फावसायनानै सोलिफु बोसोरनि फैगौ डिसेम्बर दाननिफ्राय आइ लीगनि गेलेनाया जागायजेनगोन। आइ लीगनि सिइअ सुनान्द धारआ बुडेदि,

बोसोर खुबोनाय आइ लीगनि गेलेनाया बे बोसोरआव कभिड-19 नि जाहोनआव दानसे फावसायनानै डिसेम्बर दाननिफ्राय जागायजेनगोन। थानाय समआव खुंनो थांखि लादोंब्लाबो नाथाय गिथावना थासारिखौ नोजोर होनानै नभेम्बर दानआव खुंनो लानायखौ फिन उनफिनानै डिसेम्बर दानआव खुंनो थांखि लादों। मख'नो गोनांदि, दुलाराय भारत फुटबल फेडरसिनआ दासिम बे थांखिनि सायाव फोसावनाय

जायाखैब्लाबो नाथाय आइ लीगनि सिइअआ दिनै मिबथिहोदों। आइ लीगनि क्लाबनि बिगोमाफोरजों गोनांथार सावरायनानै बे थांखिखौ लादों होनानै सिइअ सुनान्द धारआ मिबथिहोयो। सिजननि आइ लीगनि गेलेनाया फैगौ बोसोरनि माखासे दानसिम सोलिबाय थागोन। आइ लीगनि सायाव खुंफुं आफादआ थाबैनो एआइएफएफजों सावरायगोन होनानै मिबथिहोबावदों।

दासान्दि आइ लीगखौ डिसेम्बर दाननिफ्राय खुंनो थांखिजों आइएफएआ राइज्यो सरकारजों सावरायगोननि सायावबो सिइअआ मिबथिहोयो। मख'नो गोनांदि, हादरनि मोन 11 हान्जाफोरनि गेजेराव आइ लीगनि मेचफोरखौ फैगौ माखासे दानसिम गेलेनाया सोलिबाय थागोन। बेजों लोगोसे गासैबो हान्जानि गेलेगिरिफोर कभिड-19 नि प्रटकलखौ मानिनांनै सोलिनायाबो गोनांथार जागोन होनानै मिबथिहोदों।

मुलुगनि गं 6 गिख्रंथाव दालांफोर

गोदान दिल्ली, 7 अक्ट'बर : मुलुगयाव गं 6 था गिख्रंथाव दालां दं बेफोर जादों-

(1) मिलौ बिडक्ट ब्रिजआ फ्रान्सयाव दं। बेयो मुलुगनि बयनिखुइबो जौसिन दालांनि बिमुंखौ मोन्नो हादों। बेनि जौथाया



एफल टावारनिफ्रायबो 132 फुट (40 मिटर) गोजौसिन। बेनि गासै जौथाया 342 मिटर। बेखौ टार्न आयेननि गोजौयाव बानायदों। बे दालांखौ गोदान मुगानि इन्जिनियारिफोरा बानायदों। 2001 नि अक्ट'बर दानयाव बेखौ बानाय जेन्दोंमोन, जाय 3 बोसोरसिमाव बानायनानै थियारि जादों। बेखौ डिसेम्बर 2004 याव सरासन्ना



नायनो थाखाय बोसोरफ्रामबो बेवहाय 20000 दावबायारिफोरा दावबायो। 2009 याव बे दालांखौ बानायफिन्याय जादों। (3) रयेल गार्ज ब्रिजआ क्लराडयाव दं। आर्कस दैमानिफ्राय 955 फुट गोजौयाव बेखौ बानायनाय जादों। बियो आमेरिकानि बयनिखुइबो जौसिन सास्पेन्स ब्रिज (1929-2001) सिमाव बे



सुबुंफोरनि थाखाय खुलिना होनाय जादों। बे दालांखौ बानायनायाव 24 आरब 94 कौटि रानिफ्राय बांसिन राख खरस जादों। टार्न हायेनयाव ट्रेफिकनि जैनानिफ्राय रिहाय होनो थाखाय बेखौ बानायनाय जादों। (2) ट्रिफ्ट ब्रिजआ सुइजारलेन्डयाव दं। बेयो 100 मिटर गोजौ



दालाड मुलुगनि बयनिखुइबो जौसिन दालां जानायनि बिमुंखौ मोन्नो हानायनि रेकड खालामदोंमोन। नाथाय 2001 याव चीननि लियुगुआंग ब्रिजआ बे रेकडखौ लानो हादों। (4) चेसापीक ब्रिजआ आमेरिकायाव दं। बेवहाय गारिखौ ड्राइव खालामनाया मुलुगनि बयनिखुइबो गिख्रंथावसिन। बे

रंजालि गथ' फोरनि सौरा

दंखायो मुंख्लं जोहोलाव

नों अनजालुखौ आडे खालामबाय बे जोनोमाव आलाइ सिलाइ अनानै नों आंखौ निमाहा होदो आंनि आनजाद नायनायाव नोंखौ हमनो हाबाइदि थारैनो नोंडे गोसो गोबोंजों मोजां मोनो आंखौ। नौनि नायनाइ नौनि जंखायनाय नौनि फाव फेसनफोरानो फोरमायबाय आंखौ नों मोजां मोनो होनानै। नों जानाय नखमोन खोमा आंनि फारसे एसेबां मोजां मोनय-जुदि आडे नोंनो दंखायो होनानै सिगांनवनो फोरमायखायो मोनबा, सानानै लाबाय गोरोन्थिया दाबो आंनि। नों मालाइ माखौथो एसेबां मुहिनी नांखो आंनि माबेखौ लानानै-गैया आंहा एसेबां समायना महर। गोसोआव गोरोन्थि सानानै दालासै नों अनजालुआ आंनि फारसे-नाथाइ; आं लुबैयो नोंखौ लामा-सामा लोगो मोनोबा रायदावजानो, गोरोन्थिखौ गोरोन्थि साना लासिनो बेनो आंनि आरज नों अनजालुनाव। जुदि, आंहा गैथायामोनबा बजबगौमोन नों अनजालुखौ अरायनि-होगौमोन आं नों अनजालुनो आंनि बिखांनि थार अनया मोजां मोनाइ। राहा गैया आंहा दिनै नोंखौ नेउसिनयनि अनगायै जेबो। फैगौ जोनोमाव लोगो मोनलाइथों आडे बेखौनो आसा मिजिं थिना थानोसै नों अनजालुखौ।

थारैनो नों सासे जोहोलावमोन गावनि हादरखौ सिबिग्रा, गावनि जोनोमफुरि हादरखौ मोजां मोनग्रा जोहोलाव। थै-थां जुजियै जुजियै हारिखौ खौसे लाबोनो नाजानाया थारैनो दंमोन नौनि गोथार गोसोआव। हानाय नख जों जेब्लाबो बावनो, बेबायदि हादर अनसुला जोहोलावखौ थस लाइनि जिउआ दिनैसिम आसखान्दा जादोंब्लाबो नौनि मावफारि जोहोलाव जांरिमिना अरायबो जौनानै थाबाय थायो। एना एनि जानो रोडै सुबुंजों हारिखौ खौसेआव जौहा होग्रा नों थारैनो नों मुंख्लं जालांबाय। हारि सिबिसुला जेरावबो आखा फाखा राफोद हारि सिबिसुला नों मावथि मॅनो रोडे बानो रोडे जिराया जासे नाजायो अरायबो मावनो सान हर। बावनो हाया जों बे बायदि जोहोलाव फोरोंगुरुखौ। मोदोमाव हारिनि थैखौ लानानै हारि अनसायनाया मेगन गोसा सुथुरजों नोजोर होजाना थारैनो अबथिरा जिउआव नों मुंख्लं जालांबाय।

सिं रंजालि बसुम्यारि जायनाय

फ्रेन्स अपेननि सेमिफाइनालाव सौहैनानै नादियाआ गोदान जारिमिन सोर्जिदों




पेरिस, 7 अक्ट'बर: मुलुगनां आइजोफोरनि सिंगेल्स रॅकेंआव 131 थि जायगा लानानै गेलेनाय आर्जेन्टिनानि नादिया पेड्रुस्काया दासान्दि सोलिबाय थानाय फ्रेन्स अपेन ग्रेन्डस्लेमनि सेमिफाइनालाव सौहैनो हाबाय। गिबि खेब सेमिफाइनालाव सौहैनो हानाने आर्जेन्टिनानि गेलेगिरिआ गोदान जारिमिनखौ सोरजिनो हादों। मख'नो गोनांदि, नादियाआ फ्रेन्स अपेननि सेमिफाइनालाव सौहैनो हानाय मुलुगनि गिबि क्वालिफायार टेनिस गेलेगिरि जानो हायो। डब्लिउटेनि सुलुं बादिब्ला, नादियाआ मंगलबारखालि हरनि समाव गेलेनाय सिंगेल्स क्वार्टर फाइनल मेचआव गेलेगिरि एलिना स्वितलिनखौ गासै 6-2, 6-4 सेट पइन्टआव फेजेन्नो हानानै थों जोडै सेमिफाइनालाव सौहैनो हायो। गासै 1 घन्टा 19 मिनिट सम गेलेनाय आर्जेन्टिनानि गेलेगिरिआ बे गोनां मेचखौ देरहानो हादोंमोन। 23 बोसोर बैसोनि लाइमोन गेलेगिरि नादियाआ बेनि सिगां गेलेबोनाय ग्रेन्डस्लेम टेनिस दुनामेन्टफोराव क्वालिफायार राउन्डनि मेचआवनो जेन्नानै बिदाइ लानांमोन्। नाथाय बे खेबनि ग्रेन्डस्लेम फ्रेन्स अपेनआव फारियै 8 थि खेब मेचखौ देरहानो हानायवाव जाफुंसारनानै सेमिफाइनालाव सौहैनायजों बिनि गेलेनाया गोदान जारिमिन जानानै थारों। शनिबारखालि सेमिफाइनाल मेचखौ नादियाआ इगा आरो मार्टिनि गेजेराव गेलेनो गोनां क्वार्टर फाइनल मेचखौ देरहानाय गुबुन सासे गेलेगिरिनि हेंथायै मोगा-मोगि गेलेगोन। गुबुन फारसैथि हौवाफोरनि सिंगेल्स गेलेनायाव मुलुगनां रॅकेंनि सेथि गेलेगिरि नभाक जकभिचआ क्वार्टर फाइनालाव सौहैनो हादों। साबियानि गेलेगिरि जकभिचआ प्रि क्वार्टर फाइनल मेचआव रासियानि गेलेगिरिखौ 6-4, 6-3, 6-3 सेट पइन्टआव गोलैयैनो फेजेन्नो हायो आरु क्वार्टर फाइनलआव सौहैनानै बे मेचखौ स्पेननि गेलेगिरि पाबल कारेन'नि हेंथायै मोगा-मोगि गेलेगोन। बेजों लोगोसे मुलुगनां रॅकेंनि नैथि गेलेगिरि राफेल नाडालआबो सेमिफाइनाल मेचनि थाखाय इटालीनि गेलेगिरि जेनिक सिनरनि हेंथायै मोगा-मोगि गेलेगोन।

थरायना रसिम गयारी जिला- सिरां बि.टि.सि (आसाम)

दालांखौ बारनो थाखाय माखासे एजेन्सिफोरा प्राइभेट ड्राइभारखौ जगायना होयो। बे दालांनि लावथाया 7 कि:मि:। बियो आमेरिकानि मेरिलेन्ड राइज्योआव दं, जाय गामियारि सान्जा बोसोरमाखौ सहरनि सोनाब बोसोरमाजों सरजाबयो। 1952



याव बे दालांखौ सुबुंफोरनि थाखाय खुलिना होनाय जादोंमोन। (5) मरिएनबूके दालाड जामानिनायव दं। बे दालांखौ आल्पसनि फिसा फिसा हाजोनि मोनै थिखिनिखौ सरजाबनानै बानायनाय जादों। बे दालांखौ दावबायारिफोरनि गेजेराव एडभेन्सरनि थाखाय मोजां मोननाय जायो। बे दालांखौ नायनो



थाखाय गोवां सुबुंफोरा दावबाय फैयो। बे दालांनि जौथाया 90 मिटर गोजौ। (6) तमन नेगारा नेसनेल पार्क ब्रिजआ मालयेसियाआव दं। बे दालांनि जौथाया 530 मिटर गोजौ आरु गुवारा 40 मिटर। अखा हानाय समाव बे दालाड गिख्रंथाव जायो।

बि टि आरनि बाइजोयाव थानाय बर’ फिसाफोरनि थाखाय बि के डब्लिउ ए सि दाफुंनायखौ मिरु एबसुआ बरायदों

(□ १ *बिलाइनिफ़्राय*) मावफुंनो गनायथि होनायखौ दिने दुलाराय बर’ फरायसा आफादथाबो गोसो गोथारे बरायनायजों लोगोसे राइज्यो सरकारनिसिम साबायख’र जासियो। बेजों लोगोसेनो बि टि आर गoroबथानि ६.२ दफायाव मख’नाय बादियै बर’ रावखौ आसामनि लोगो मावख’यारि राव महैरे बाहायनो हानायनि गनायथि होनायखौ लानानैबो एबसुआ गोजेन्नाय फोरमायो। मिरु एबसुआ गांसे रादाब बिबुंसारनि गेजेरजों फोरमायदोंदि, आसाम सरकारआ बि टि आरनि बाइजोयाव थानाय बर’फोरनि थाखाय बि के डब्लिउ ए सि दाफुंनाय आरो बर’ रावखौ आसामनि लोगो मावख’यारि राव महैरे गनायथि होनाया दिनेनि सानखौ बर’फोरनि मोनसे जारिमिनारि सान खालामदों। बेनि थाखाय आसामनि गिबि मन्श्रि मान गोनां सर्बानन्द सनवाल, केबिनेट मन्श्रि ड॰ हिमन्त बिश्व शर्मा, आसाम बिजेपिनि आफादगिरि रन्जित दासनिसिम गोसो गोर्बोंनिफ़्राय साबायख’र जासियो। बेजों लोगोसेनो दुलाराय बर’ फरायसा आफादया बि टि आरनि थागिबि गासै सुबुंफोरनि जौगाथाय, गोजोन, खौसेथि, मुलाम्फा आरो साबसिन खाबुनि थाखाय फैबाय थानाय समफोराव भारत सरकार आरो आसाम सरकारआ बि टि आर गoroबथानि मोनफ़्रोमबो दफाफोरखौ आबुडै मावफुंगोन होन्नानै मिर्जिथिनाय लाखिदों।□

आसाम केबिनेटआ बि के डब्लिउ ए सि दाफुंनाय आरो बर’ रावखौ आसामनि लोगोयारि राव महैरे गनायथि होनायखौ बर’नि गोबां आफाद-गौथुम आरो मेलेमजिबि-सानसुमैफोरा बरायदों

(□ १ *बिलाइनिफ़्राय*) लोगो मावख’यारि राव महैरे गनायथि जाबाय। गोजौयाव मख’बेनाय बे मोनै बर’फोरनि गेदेर सिमां एबा हास्स्थायनाया मोगथां महर मोन्नायाव बि टि आरजों लोगोसे दुलाराय आसामनि गासै बर’ फिसाफोरनि गेजेरावनो मोनसे रंजानाय आरो खुसिनि दोहों सोमजिखांदों। बि टि आर गoroबथानि दफाबादियै बे मोनै गेदेर थांखिखौ आसाम केबिनेटआ दिने गनायथि होनायखौ गोबां बर’ हारिनि आफाद-गौथुमफोरा आसाम सरकारनिसिम साबायख’र जासिदों। बि टि आर गoroबथानि ५.१ दफा बादियै बि के डब्लिउ ए सि दाफुंनाय आरो ६.२ दफा बादिये बर’ रावखौ आसामनि लोगो मावख’यारि राव महैरे गनायथि होनायनि थाखाय दुलाराय बर’ फरायसा आफाद, इउनाइटेड बड’ पिपुल्स अर्गेनाइजेसन (इउबिपिअं’) आरो इउनाइटेड पिपुल्स पार्टि लिबरेल एबा इउपिपिएल राजखांथि दोलोया आसाम सरकारनिसिम साबायख’र जासिहरदों। इउपिपिएलनि आफादगिरि एबा एबसुनि बारग’ आफादगिरि प्रमद बर’आ दिने आसाम केबिनेटयाव बि के डब्लिउ ए सिखौ मावफुंनो गनायथि होनायखौ बरायनायजों लोगोसे राइज्यो सरकारनिसिम साबायख’र जासियो। ए़हाय इउबिपिअं’नि आफादगिरि मिहिनेस्वर नाज्जोरिआबो बर’फोरनि थाखाय बे गेदेर आयदाखौ मावफुंनो गनायथि होनायनि थाखाय राइज्यो सरकारनिसिम साबायख’र जासियो। बेजों लोगोसेनो बि के डब्लिउ ए सि दाफुंनायनि गेजेरजों बि टि आरनि बाइजोयाव थानाय गासै बर’ फिसाफोरा जौगानाय, रैखाथि आरो थामोन्थाजों लोगोसे राजखांश्चयारि,रोखांश्चियारि आरो समाजयारि मोन्थायफोरखौ आबुडैमोन्नो ह्रासिगोन होन्नानै इउबिपिअं’नि आफादगिरि मिहिनेस्वर नाज्जरिआ मिर्जिथिनाय फोरमायदों।□

बड’लेन्ड मुलुग सोलोंसालिनि ६ थि सेमिस्टारनि आन्जादखौ ५० जौखोन्दो फरा-फारिजों खुंफुंनो एबसुनि दाबि

(□ १ *बिलाइनिफ़्राय*) आयदाखौनो लानानै दिने मिरु एबसुनि सोलोंथाय नेहाथारि कास्टम बसुमतारिआ कक्राइारनि बागानसालियाव थानाय एबसुनि गाहाय मावखुलि बड’फा हाउसयाव मोनसे खौरंगिरि मेल खुंदों। बे खौरंगिरि मेलनि गेजेरजों मिरु एबसुनि सोलोंथाय नेहाथारि कास्टम बसुमतारिआ मुलुगनाडै सोलिगासिनो थानाय कभिड-१९ नि अलखदिन समाव बड’लेन्ड मुलुग सोलोंसालिनि आवथायाव डिग्रिनि ६ थि सेमिस्टारनि आन्जादखौ ५० जौखोन्दो फरा-फारिजों खुंफुंनायनि थाखाय मुलुग सोलोंसालि खुंथायनिसिम दाबि देखाडो। बिथाड खौरंगिरिफोरनि सिगाडव फोरमार्थिदोंदि, सोलिफु कभिड- १९ नि साग्लोबनायनि जाहोनाव गासै फरायसुला-फरायसुलिफोरा मोजां रोखोम सोलोंथाय लानायनिफ़्राय जानगाराव थानांदों। मानोना बे समाव गासै फरायसालिमा आरो मुलुग सोलोंसालिफोरनि थाखो फोरोंथाया बन्द जानानै दं। बे हिसाबै फरायसुला-परायसुलिफोरनि थाखाय आन्जादनि फरा-फारिलाइखौ बाइइ खालामनानै होनांगीनि गोनांथि दं। गोबां फरायसाफोरानो बड’लेन्ड मुलुग सोलोंसालिया ६ थि सेमिस्टार आन्जादनि थाखाय गासै आयदा आरो पेपारफोराव आबुं एबा १०० जौखोन्दो नम्बरजों आन्जाद खुंफुंनो लानायखौ एबसुनो अजद हरनाय आरो बे आयदनि सायाव राहा लानो एबसुखौ खावलायहरनायनि बागै सोलोंथाय नेहाथारि कास्टम बसुमतारिआ फोरमायथियो। जुदि गुवाहाटी मुलुग सोलोंसालि आरो कटन मुलुग सोलोंसालिफोरा ६ थि सेमिस्टारनि जोबथा आन्जादखौ ५० जौखोन्दो नम्बरनि खुंनो हायोब्ला बड’लेन्ड मुलुग सोलोंसालिया फरायसुला-फरायसुलिफोरनि रेहायनि थाखाय मानो खुंनो हाया होन्नानै सोंथि देखांनायजों लोगोसे जुदि बे दाबिखौ मानियाब्ला फैबाय थानाय सानफोराव बड’लेन्ड मुलुग सोलोंसालियाव दुलाराय बर’ फरायसा आफादया गनतांत्रिक महराव सोमावसारनायनि राहा लागोन होन्नानैबो एबसुनि सोलोंथाय नेहोथारि कास्टम बसुमतारिआ सांग्रांथि खालां □

बासुगाव बाजाराव पुलिस बिबानगिरिया मैंगं-थाइगं फानग्रानि सायाव इनाय आखु बाहायनानै ख’हा खालामनायनि अजद

(□ १ *बिलाइनिफ़्राय*) फोरमायदों। पुलिस बिबानगिरिनि हेंथायै बेबायदि जाथाया सिगाडवबो नुजाथिखांबाय होन्नानै गोख्रों अजद दिखांदों भुगिंनानाय फालांगिफोरा। पुलिसनि होबथानाय आइनखौ नेवसिनानै लामानि सायाव दखान खालामनायाव आइनिन बारगा खामानि मावनायनि थाखायनो पुलिस बिबानगिरिया बेबायदि जाथायखौ खालामदों नामा होन्नानै सोंथि खालामदों राइजो-राजाफोरा। बाजार कमिटि एबा पुलिसनि होबथानाय आइनखौ नेवसिनानै फुनिफ़्राय लामानि सायाव दखान होनायखौ बाजार कमिटिआ मानो होबथानायनि राहा लायाखै होन्नानै बुंनायजों लोगोसे साफ़्रोमबो फालांगिफोरनिफ़्राय मा आइनजों रं लादों होन्नानै सोंथि खालामो। जुदि पुलिसनि बिथोनखौ नेवसिनाय जादोंब्ला बेनि सोलायै दादागिरि खालामनानै पुलिसआ गारिखौ मैगंनि सायाव सालायखोना ख’हा खालामनायानो आइनखौ रैखाथि खालामनाय जादों नामा होन्नानै सोंथि खालामो। जाय समाव करसा भाइरसनिक्राय रैखाथि गोनाडै थानो थाखाय जिल्ला खुंथाया साफ़्रोमखौबो गेवलां जागयायाव मास्क गान्नांगीनि गोनांथार खालामनाय जादोंमोन आरो बेबायदि समावनो सासे पुलिस बिबानगिरिया मास्क गानालासै बाजाराव उदाडै बेरायनानै दादागिरि खालामदों होन्ना राइजो-राजाफोरा अजद खालामबावो। आबादारिफोरा गोबां खरस्थ’ खालामनायनि गेजेरजों आबाद मावनानै दिहुन्नो हानाय मैगं-थाइगंफोरखौ बाजाराव फान्नो फैनाय समावनो बेबायदि लाजिनांथाव पुलिसनि आखु बाहायनायखौ गोस्लेयै गनायया लानो हायाखै कृषक मुक्ति संग्राम समिटिआ। दिने काकारागाव दखरा कृषक मुक्ति संग्राम समिटिआ बासुगाव थानानि पुलिस बिबानगिरिनि हेंथायै इनाय आखुनि सायाव गोख्रों रवजों सोंखारिानै ख’हा जानाय फालांगि एबा आबादारिनो ख’हाथि सुफुंनांगीनि दाबि खालामनायजों लोगोसे इयुनाव बेबायदि इनाय खामानि मावनायनिफ़्राय जानगाराव थानो हुमखि होयो।□

टंलानि गरकासयाव ६६ थि नेसनेल वाइल्ड लाइफ सप्ताह फालिदों

(□ १ *बिलाइनिफ़्राय*) फोरोंगिरि जयन्त बर’आ। बे सावरायलायनायाव उदालगुरि जिल्ला साइल्ड लाइननि सामलायगिरि ललित बर’आ हा स्रैरखाथि, आवहवाा आरो जिव-जुनात स्रैरखाथिनि सोमोन्दै बिबुंथि लाखियो। बेनि उनावनो गरकास बाथौ मन्दिराव फरायसुला फरायसुलिफोरनि गेजेराव सावरायलायनाय हाबाफारि, आर’ज खालामनाय आरो बाथौ धोरेमनि सायाव सावरायो। बे हाबाफारियाव बाहागो लायो दानसोरं गोजौ फरायसालि, सैबारि बिद्यापीठ गोजौ फरायसालि, टंला इउएन एकाडेमिनि फरायसुला-फरायसुलि, एबसु, आसुनि दैदेनिगिरिजों लोगोसे उदालगुरि जिल्ला साइल्ड लाइननि मावफारिया अरुप बर’, साइमन बालारि आरो मनिंकमुग’ काकतिया।□

आसामाव १ नभेम्बरनिफ़्राय फरायसालिफोरा खुलिफिनगोनः हिमन्त

(□ १ *बिलाइनिफ़्राय*) सोलोंथाय लानाय बेलायाव गोब्राब जेंनाजों मोगा-मोगि जानांगसिनो थादों फरायसुला-परायसुलिफोरा। थानाय सेपेन्म्बर दाननिफ़्राय १० आरो १२ थाखोनि थाखाय सरकारनि होखानाय गाइडलाइन बादिये जागायफिननायनि उनाव आसाम सरकारआ बे खेबाव राइज्योनि गेजेराव थानाय गासै फरायसालि-फरायसालि आरो सोलोंथाय फसंथानफोरखौ बेखेवफिननायनि थागथियारि खालामगासिनो। आसामनि सोलोंथाय मन्श्रि ड॰ हिमन्त बिश्व शर्माआ दिने फोरमायथिनाय बादिब्ला राइज्योयाव गासै सोलोंथाय फसंथानफोरा दुर्गा फु जा जोबनायनि उनाव फँगौ १ नभेम्बरनिफ़्राय बेखेवजाफिनगोन। राइज्योयाव सोलोंथाय फसंथानफोरखौ बेखेवफिननायनि थाखाय राइज्यो सरकारआ १५ अक्टबरनि सिगां माखासे गोनांथार गाइडलाइनफोरखौ फोसावनाय जागोन। मन्श्रि शर्माआ फोरमायनाय बादिब्ला राइज्यो सरकारआ थाखो ६ निफ़्राय फरायसालिमा थाखोसिमनि गासै सोलोंथाय फसंथानफोरखौ फँगौ १ नभेम्बरनिफ़्राय बेखेवफिननायनि थांखि लादों।□

बारग’ डिआइजि पि के दत्तखौ ६ साननि थाखाय सिआइडिनि जिम्मायाव लाखिबाय

(□ १ *बिलाइनिफ़्राय*) दत्तखौ ७ साननि थाखाय गावसिनि जिम्मायाव लानो हास्थादोंमोन नाथाय कामरुप (मेट्) जिल्लानि सिफ जुडिसियेल मेजिस्ट्रेटनि बिजिरसालिया दत्तखौ ६ साननि थाखाय सिआइडिनि जिम्मायाव दैथायहरो। सिआइडिनि सौनाय-फिननाय खालामनायनि सिगां बिजिरसालिया दत्तखौ गुवाहाटी मेडिकेल कलेज देहा फाहामसालियाव देहा आन्जाद खालामनो थाखाय बिथोन होनाय जादों। मख’नाय जायोदि, बारग’ डिआइजि पि के दत्तआ आसाम पुलिस बिफाननि एस आइ साखि होनायनि मुडव गोबां बिजाथिफोरनिफ़्राय रां घुस लानायनि दयाव थानाय सानखालि भारत-नेपाल सिमा ओम्सोर्लनि काकारदितानिक्राय खाजादोंमोन। आसाम पुलिसनि मोनसे हान्जाया मंगलबारखालि दत्तखौ थोंजों आसामयाव लानानै फेदों। दत्तखौ आसाम पुलिसनि सिआइडिया गसर थिसन्नाय २१/२० आइपिसि सेक्टन १२० (बि), ४०९ आर डब्लिउ ६६ (बि) नि सिडव खानाय जादों। मख’जाथावदि, बे साखि थिसन्थाय खेलेंखालिजों लोब्बा थानाय गोबां दायनिगिरिफोरखौ दासिम पुलिसआ खानो हाबाय।□

६६ थि जिव-जुनात सप्ताहनि जोबथा हाबाफारियाव गिबि मन्श्रि

(□ १ *बिलाइनिफ़्राय*) बिथाड लोगोसे बुडोदि, जनायनि कबास्टियाव थानाय बरजारन्त्यखौ वाइल्ड लाइफ सेंक्सुयेरि महैरे खालामनायनि थाखाय राइज्यो सरकार थांखि लादों। राइज्योनि मिथिंगा सम्पद आरो जिव-जुनातफोरखौ स्रैरखाथि खालामनायनि थाखाय राइज्यो सरकारा जागायजेन्नायनिफ़्रायनो गोबां हाबाफारि लाबोदों। हाग्रा ओन्सोर्लनि मिथिंगाखौ समायना खालामनायाव बांसिन होनायनि दावमा-दावसाफोरनि थोजासे बिहोमा दं होन्नानै रायखंना गिबि मन्श्रिआ बुडोदि, दावमा-दावसानि अनगयै सुबुं समाजआ थानानै थानायनि जाथावना नडा। बेनि थाखाय जिव-जुनात स्रैरखाथिनि बिथिङव जों साफ़्रोमबो बिबान लानानै सिगांलांनांगोन। जौनि दावमा-दावसाफोरा दावबायारिफोरखौ थुलुंगाखं होनो हाबोदों होन्नानै गिबि मन्श्रिआ बुडो। हाग्रा ओन्सोल, जिव-जुनात स्रैरखाथि खालामनायनि फारसे राइजो-राजा आरो फरायसुला फरायसुलिफोरनि गेजेराव सांग्रांथि जानाया बांसिन्दों होन्नानै रायखांना गिबि मन्श्रिआ बुडोदि, राइज्योनि मिथिंगाखौ समायना लाखिनायनि थाखाय जों साफ़्रोमबो बिबान लानानै आवगयलांनांगोन। सिगांनि सरकारा गान्दा बुथारनायनि बिथिङव गोसो गोर्बोंनि अननाय आरो सिबिथायखौ दिन्थिनो हायाखै होन्नानै रायखंना गिबि मन्श्रिआ बुडोदि, काजिरडव दानफ़्रोमबो गान्दा बुथारजाबाय थानाय जाथायखौ जें साफ़्रोमबो नुनो मोन्दं। बेनि अनगायैबो गोबां रेखोमनि जिव-जुनातफोरबो जिउ ख’हा जालांबाय। सुरुं सिखारिया काजिरडखौ गाहाय बिथा खालामनानै जिव-जुनात मैहुर खालामबोदोंमोन। नाथाय आथिखालनि राइज्यो सरकारा गोख्रों राहा लानायनि थाखाय काजिरडव सुरुं सिखारिनि हाबनाया बन्द’ जाबाय। गं १० पास्ट ट्रेक कर्टनि गेजेरजों सा २४० सुरुं सिखारिफोरखौ गोख्रों साजा होनो हादों। सुबुं समाजनिसिम बेयो मोनसे खौरं थोंदिदि, जाहाथे अननाय गैयाजासे जिव-जुनात बुथारया एबा फोजोबग्रा जायथि जाया सुबुंखौनो सरकार रेहाय होनाय नडा। जिव-जुनातफोरखौ रैखाथि होनायनिफ़्राय थासारिया मोनसे गोजोनारव फैनायजों दिने दावबायारिनि अन्जिमयाबो बांनो हमदों। सिगाडव थसेल’ गं थानाय गान्दाखौ बुथारनायनि गेजेरजों जौनि मान सन्मानखौ ख’हा खालामनायनि फाव फान्दायदोंमोन। नाथाय आथिखालनि राइज्यो सरकारनि माव बिबानाव जिल्ला खुंथाय, हाग्रा बिफान आरो सुबुंफोरनि हेफाजाबव सुधुरफोरखौ जानगाराहोनो हानायाव जाफुंसारदों होन्नानै गिबि मन्श्रिआ बुडो। गावनि बिबुंथियाव लोगोसेयै गिबि मन्श्रिआ बुडोदि, राइज्यो सरकारा जागायजेन्नायनिफ़्रायनो गेनाखांश्चिनि हेंथायै गोख्रों राहा लाबोदों। राइज्यो सरकारा गेनाखांश्चिनि हेंथायै जुजिनो थांखि लानाय बायदियै गेनाखांश्चिजों लोब्बा थानाय बिबानगिरि, कर्मसारि, राउखांश्चिगिरिफोरनि हेंथायै गोख्रोडै राहा लादों। बे बिथिडव रावखौबो रेहाय होनाय नडा होन्नानै गिबि मन्श्रिआ रोखा बाथाखौ दिनेनि हाबाफारिआव मिथिहोयो। हाबाफारियाव बिबुंथि लाखिनानै आवहवाा आरो हाग्रा बिफाननि मन्श्रि परिमल सुक्लबैद्यआ बुडोदि, राइज्यो सरकार १० कौटि दंफां फुलि गाइनायनि थांखि लानानै दासिम ८ कौटि दंफां फुलि गाइनाय हाबाफारिखौ जाफुंहोनो हादों। मन्श्रिआ बुंबावोदि, जौनि हारिमु जिउजों लोगोसे मिथिंगाया खांश्चि सोगोन्दो दडा। जिव-जुनात स्रैरखाथिनि फारसे जों साफ़्रोमबो बिबान गोनों जानांगोन होन्नानैबो बुंथियो। साहा जनजाति अन्साय बिफाननि मन्श्रि सन्जय किसानआ बुडोदि, आथिखालनि राइज्यो सरकारा जिव-जुनात स्रैरखाथिनि फारसे गोबां हाबाफारि लाबोदों। गिबि मन्श्रिनि मिडिया बोसोनिगिरि ऋषिकेस गस्वामियाबो गावनि बिबुंथियाव जिव-जुनातखो जौनि सुबुं समाजयाव एंगारहायै बाहागो होन्नानै बुडो। बिथाड जिव-जुनातखौ रैखाथि खालामनो हायोब्लासो सुबुं समाजनि दुलाइ सनाय हनाया जाफुंसारगोन होन्नानै बुडो। दिनेनि बे हाबाफारियाव आवहवाा आरो हाग्रा बिफाननि चिफ सेंक्रेटारि अधिनास ज्योति, हाग्रा बिफाननि गाहाय सामलायगिरि ए.एम. सिं, जिव-जुनात स्रैरखाथि बिफाननि गाहाय बिबानगिरि अमित शहायाबे बिबुंथि लाखिदोंमोन। बे हाबाफारियाव एमएलए आडरलता देका, उफ़्रा गाहाय बिबानगिरि ए.के. यादव आरो माखासे गोजौ थाखोनि बिबानगिरिफोराबो बाहागो लादोंमोन।□

बड’लेन्ड टेरिटरियेल रिज्ननि रादाय बादियै आसाम केबिनेटआ

(□ १ *बिलाइनिफ़्राय*) जथुमाव गुवारै सावरायनानै थांखि लानाय आरो गनायथिनाय आयदाफोरनि सायाव सावरायनाया जोबनारयनि उनाव मन्श्रि चन्द्र महन पातवारिया खौरं बिर्जोनि सिगाडव केबिनेट जथुमनि गेजेरजों थांखि लानाय आरो बिल गनायथिनाय आयदाखौ फोसावनानै होयो। केबिनेटआ गनायथिनाय बिलफोरा जादों- बिटिआरनि बिसायख’थिखौ फँगौ डिसेम्बर दाननि गेजेराव खुंनो थाखाय राइज्यो बिसायख’थि आयगखौ खावलायनो थिरंथाय लानाय जायो। बे मन्श्रि आफादनि जथुम्यायाव ६ थि फारिलाइनि ओम्सोर्लनि बाइजोयाव थानाय बर’ सुबुं मैखोम गामिफोरखौ लाफानानै बर’-कसारि वेलफेयार अट’नमास काउन्सिल दाफुंनायनि बिलखौ दिनेनि केबिनेटआ जथुमनायावनो बिल गनायथिनाय फोसावयो। दिनेनि मन्श्रि आफादनि बे जथुमनायावनो बर’ रावखौ राइज्योनि लोगो सरकारि राव महैरे गनायथि होनायनिबो गनायथिनाय जायो। मन्श्रि आफादनि जथुमनायाव बिटिआर ओम्सोर्लनि बिबानगिरिफोरखौ ओम्सोर्लनि साइन बर्डफोराव मुं बाहायनायाव बर’ आरो इंगजी रवजों लोगोसे असमीया रवखौबो बाहायनायनि राहा लानो थांखि लानाय जायो। मख’नो गोनादि, गिबि मन्श्रिनि मासि सामलायनायाव खुंनाय मन्श्रि आफादनि बे गोनांथार जथुमनायाव बिटिआर गoroबथानि माखासे दफाखौ आसाम सरकारा मावफुंनो बिल गनायथिनायखौ माखासे बर’ आफादफोरा गोजोन्नाय, बरायनाय फोरमायनायजों लोगोसे सरकारनि बेबायदि थांखि लानायखौ गोसो गोजोन्नाय फोरमायदों। मख’नो गोनादि, गिबि मन्श्रि सर्वानन्द सनवाल, मिरुनि नख’र मन्श्रि अमित शाह आरो दुलाराइ बर’फरायसा आफाद (एबसु), नेसेनल डेमक्रेटिक फ़्रन्ट अफ बर’लेन्ड (एनडिएफबिनि मोनब्रै हान्जा), इउनाइटेड बड’ पिपुल्स अर्गेनाइजेसन (इउबिपिअं)नि दैदेनिगिरिफोरनि गेजेराव जारिमिनारि ३ थि बर’ गोजोन गoroबथाया जादोंमोन। बे गoroबथानि गेजेरजों बर’फोरा जारिमिनारि बिटिआजों लोगोसे बर’-कसारि वेलफेयार अटनमास काउन्सिल आरो गोबांथार फसंथानफोरखौ मोन्नो हादों। दिने बे गoroबथानि दफाफोरखौ फारि-फारियै आसाम सरकार आरो भारत सरकार बिबान लानानै मावफुंनो जागायजेन्नाया दिने बर’फोरनि थाखाय जोबोद फिथाइ गोनां जादों। बेजों लोगोसे दिनेनि मन्श्रि आफादनि सावरायनायाव थांखि लानाय जादोंदि, आसाम सरकारनि गुबुन गुबुन बिफाननि थिसन्थायनि जायखि-जाया आन्जादयावनो गावआरि फसंथानखौ थिसनेनि थांखि लानाय जायो। बे बिथिडव बिफानफोरा राइज्योयारि एबा मिरु मुलुगसोलोंसालिनि गेजेरजों बे थिसन्थायनि आन्जादखौ खुंनो हागोन। दिनेनि मन्श्रि आफादआ साहा बागान बिबानगिरिनि गेजेरजों सामलायजानाया गं ४२८ फरायसालिनि फरायसुला फरायसुलिफोरनि थाखाय डे बर्डिं आरो बेसेन नाडै गानग्रा ड्रेस जगायथाय होनायनि थांखि लानाय जायो। जथुमनायाव राइज्योनि जौगाखां परिषदनि सोद्रोमानि अन्जिमाखौ बाइइबो २५ निफ़्राय बांसिने ४५ सिम बारायनायनि गनायथिनाय जादों। दिनेनि बे मन्श्रि आफादनि जथुमनायावनो माजुलियाव हाग्रा बिफाननि मोनै गोदान रेन्ज आरो मोन ४ बिट अफिस फसंनारयनि थांखि लायो। सावरायनायाव गावबुराफोरनि दान-बान्थाखौ सोलिफु २०२० माइथार्यनि थानाय एप्रिलनिफ़्राय मावफुंजानाय बादियै ६,५०० रॉनिफ़्राय ९,००० रॉसिम बारायनायनि थांखि लायो। बेजों लोगोसे बे जथुमनायावनो आसाम लकसेवा आयगनि गेजेरजों खुंनाय जुथाय सिभिल सार्थिसनि आन्जादयाव असमीया, बाडली, एबा बर’ रावनि बिजोडव सोलोंथाय लायै बराक हायेननि फरायसुला फरायसुलिफोरखौ रावनि गोनांथारे आन्जादयाव उथ्रिसारनो हानायनिफ़्राय रेहाय होनायनि थांखि लादों। बेनि अनगायैबो आसाम टि प्लेन्टेसन प्रभिडेन्ट फान्ड र्स्कमनि सिडव दासान्दि १ लाख रॉनिफ़्राय २ लाख रॉसिम बारायनायनि थाखाय दिनेनि मन्श्रि आफादनि जथुमनायाव थांखि लायो। दिनेनि मन्श्रि आफादनि जथुमनायाव कर्नाकलता आइजो जौगाखां होनाय थिथांखिनि सिडव जाथावना आइजो सेल्फ-हेल्प ग्रुपफोरनो ५० रोजा रॉनि हेफाजाब होनो थांखि लानाय जादों। बे जथुमनायावनो आसाम लकसेवा आयगआव आइजो सोद्रोमानि अन्जिमानि बिथिडव थानाय आयगनि नेमखांश्चिखौ सोदांफिननायनि गनायथिनाय जादों। बेजों लोगोसे मन्श्रि आफादआ सा ४,५३४ अरयथा नडे फोरोंगिरिफोरखौ साख्रियाव थिसन्नायनि थांखि लादों। अमिनगावयाव माहारियारि ना जौगाखां गौथुमनि दालाइ मिरु फसंनारयनि थाखाय ३० बिघा सरकारि हा सायख’ना लानार्यनि थांखि लादों। बेबायदिनो माखासे आयदानि सायावबो दिनेनि मन्श्रि आफादनि सावरायनायाव गोनांथारे थांखि लानाय जादों।□

बि टि आर गoroबथाखौ लानानै कक्राइाराव मेलेमजिबिफोरनि सावराय मेल

(□ १ *बिलाइनिफ़्राय*) थाखाय सरकारा हाबाफारि जागायनायखौ गोजोन्नाय फोरमायनायजों लोगोसे साबायख’र जासियो। बे सावराय मेलनि बाइजोयाव इउपिपिएलनि आफादगिरि प्रमद बर’आ खौरंगिरिफोरजों मोगा-मोगि जानाय समाव आसाम आरो बि टि सि खुंथायनि समाव जायखि-जाया रोखोमनि जाखन्नाय आरो गेनाखांश्चि सोमजिनायनि हेंथायै गोख्रों राहा लानो थाखाय राइज्यो सरकारखौ खावलायो। आसाम पुलिसनि एसआइ साखि थिसन्थायाव सोमजिनाय खेलेंखारिनि गाहाय दायनिगिरि बारग’ डिआइजि पि के दत्तखौ हमनायाव जाफुंसार जानो हानायनि थाखाय आफादगिरि बर’आ राइज्यो सरकार आरो पुलिस खुंथायखौ बाखायो। खौरंगिरिफोरनि सिगाडव इउपिपिएलनि आफादगिरिया बुंदोंदि, बि टि सि बिसायख’थि खुंनो थाखाय बिपिएफनि हेंथा खुंछिांनाय एबा सोमावसारनाया ऑंथि गयै आरो बिपिएफ हान्जाया बि टि सि बिसायख’थि आयदाखौ लानानै हालामनि राइजो-राजाफोरनि गेजेराव राउखांश्चियारि गुलाय-गुजाय थासारि सोमजिहोनो नाजादों। बिपिएफ राजखांश्चि दैदेनिगिरिफोरनि गेजेराव गुलाय-गुजाय थासारि सोमजिनायनि बागै बर’आ बुंबावोदि, बे समाव बिपिएफनि माखासे दैदेनिगिरिफोरा गावबा गावखौ रैखाथि होनो थाखाय गावयारि खौसल एबा सोलो बाहायबाय थागासिनो। जायनि जाहोनाव माखासे मानिजाथाव बिपिएफनि गोबां दैदेनिगिरि आरो सोद्रोमाफोरा हान्जानिक्राय गुगाबाय थानायखौ नुनो मोन्दं। बि टि सि हालामनि थागिबि सरासन्धा राइजो-राजाफोरनि अन्सायलु आरो जौगानायखौ बिपिएफ हान्जाया माख्लाबाबो साना होन्नानै गोख्रोडै अजद होबावयो। बिथाड बुंबावोदि, बि टि सि बिसायख’थिया खुंजानायनि सिगांनो बिपिएफ दोलोनि दैदेनिगिरि आरो सोद्रोमाफोरनि गेजेराव गावजों गाव उदां दावहा एबा दान्थे-बिदान्थे जालायनायखौ नुनो मोन्दं। बे समाव बिपिएफ दोलोनि दैदेनिगिरिफोरनि गेजेराव मोजां सोमोन्दो गैलायला। थानाय १७ बोसोरनि समाव बि टि सियाव सरासन्धा राइजो-राजाफोरनि थाखाय अन्सायलु आरो जौगालु खामानि मावनायाव फेलें जानार्यनि जाहोनावनो बिपिएफया जोबझांलांगांसिनो दं। आसामनि मन्श्रि चन्दन ब्रह्मनि खैसार खालामनायनि जाहोनावनो बिपिएफनि गागि आरो गिबि सारिनि दैदेनिगिरिफोर- राइज्यो सभानि एमपि बिस्वजित दैमारि आरो दोलोनि गाहाय नेहाथारि आरो एमएलए इमानुयेल मुसाहारिमोनहा दोलोनिक्राय ओंखारनायनि लामा लादों। ए़ैहाय बि टि आर गoroबथानि दफाफोरखौ मावफुंनायाव हेंथा खालामनाया बिपिएफनि मोनसे गेदेर गoroन्थि जादों। बिपिएफया बि टि आर गoroबथानि सायाव नंखाय बाश्रा बुंनासे समाज आरो राइजो-राजाफोरनि गेजेराव गोन्थो-गोथो सोमजिहोनो नाजोबोबाय थादों होन्नानै बर’आ खुंजानो गोनां बि टि सि बिसायख’थिनि थाखाय इउपिपिएल दोलोया आबुडै साखा-फारा होन्नानै फोरमायथिबावो। बि टि आरआव थानाय गासै हारि-हारिसाफोरनि राइजो-राजाफोरा सोलायनाय हास्थायनाय हिसाबै बे खेबाव इउपिपिएल हान्जाया बि टि सिनि मोन ४० मासिनि गेजेराव गोबां सानखो मासि देरहानानै हारसिडे सरकार दागोना रोखा जाबाय होन्नानै इउपिपिएलनि आफादगिरि प्रमद बर’आ गोगो सुबुं खुंथायनि थाखाय कभिड-१९ नि प्रतकलखौ मानिनानै सोलिनायनि गेजेरजों बि टि सिनि बिसायख’थिखौ थाबेनो खुंनांगो होन्नानै दाबि देखाडो।□

जीन एडिटिं ट्रलनि सोमोन्दै बुंफोरनाय सानै आइजोनो केमिस्ट्रिनि नबेल बान्था

(□ १ *बिलाइनिफ़्राय*) सिआरआइएसपिआर/सिएएस ९ जेनिटिक स्नाइपं ट्रलखौ दिहुन्नो हादोंमोन। बेबायदि गेदेर बिहोमा होनो हानायनि थाखाय केमिस्ट्रिआव बे बोसोरनि नबेल बान्थानि थाखाय विसोर सानै आइजो गोन्थोखोगिरिनि मुंखो साइख’नाय जायो। मख’जाथावदि, एमानुयेल सार्पेन्ट्यारआ फ़्रास्नि थगिबि। गुबुन फारसेथिं जेनिफार ए डुडनाया आमेरिकानि थागिबि। नबेल कमिटिआ गनायना लादोंदि, विसोर सानै आइजो गोन्थोखोगिरिनि दिहुन्थाया सुबुंथिनि थाखाय जोबोर गहाम जागोन। बेनि मदतजों जिव-जुनातनि डिएनएनि रिसार्स खालामनायजों लोगोसे सोलायहोनो हागोन। बेनि गोदान आदोबनि हेफाजाबे केन्सारनि फाहामथाय होनायावबो आबुं मदत मोन्नो हागोन। नबेल कमिटिआ थानाय समबरखालि हेपाटाइटिस सि बेरामनि होबथानायाव ब्लाड टेस्ट आरो मुलि दिहुन्नो हानाय गेदेमा सुबुं एबा सा ३ गोन्थोखोगिरिनो नबेल बान्थाखौ गथायनार्यनि उनावनो मंगलबारखालि २ थि सारनि हाबाफारि बायदियै गुबुन सा ३ गोन्थोखोयारिफोरनो फिजिक्सयाव नबेल बान्था फोसावदों। बेनि उनावनो दिने बुधबारखालि नबेल कमिटिआ फ़्रान्स आरो आमेरिकानि सा २ आइजो गोन्थोखोगिरिनो नबेल बान्थाखौ केमिस्ट्रिआव होनो फोसावयो। मख’नो गोनादि, गोन्थोखगिरि आलफ़्रेद नबेलनि धोन सम्पतिनिफ़्राय बे नबेल बान्थाखौ होनाय जायो। १८९५ माइथायाव अलफ़्रेद नबेलआ गावनि जोबथा बुब्लियाव गनायथि होदोंमोन आरो गावनि सम्पतिनि बांसिन बाहागोखौनो बे नबेल बान्थानि थाखाय दान होनाय जादोंमोन। मुलुगनि बयनिखुइबो देरंसिन नबेल बान्थाखौ देरहानाय सुबुं एबा गोन्थोखोगिरिया ११ लाख आमेरिका डलार धोन आजावनो हायो। केमिस्ट्रि

डेनियेल क्रेगा जोबथा खेब जेम्स बन्डनि फाव खालामनो थाखाय थियारि जाबाय

सुनिल शेटीआ नेपटिज्मखौ लानानै गोखों बिबुंथि होदों

लसएन्जलस, 7 अक्ट'बर : इन्टरभिन समाव बिनियाव हलिउड स्टार डेनियेल क्रेगा जोबथा खेब जेम्स बन्डनि फाव खालामनो थाखाय आबुडै थियारि जादों। बे मोनसे इन्टरभिन समाव बियो



गोदान जेम्स बन्डखौ सुबुरुन होनानै बे फावखौ साबसिन होनानै फोरमायदों। क्रेगाखौ जेम्स बन्डनि फावआ 2006 नि सावथुन 'कसिन' रयेल निफ्राय लानानै रिलिज जानो गोनां सावथुन 'न' टाइम टु डाइ 'खौ सिमआव नुनो मोनगोन। डेलिमेलडटकडटयुकेनि रिपर्टनि बायदिब्ला, 'दा टुनाइट श्व' बिथ जिम्मी फेलन 'नि

गोदान दिल्ली, 7 अक्ट'बर:

सावथुन इन्डास्ट्रीआव नेपटिज्मखौ लानानै गोबाव समनफ्रायनो दावराव-दावसिआ सोलिगासिनो दड। सुशान्त सिं रजपुत थीनाय केसनि उननिफ्राय जागायनाय बे दावराव-दावसिआ दासिमबो सोलिगासिनो दड। बलिउडआव नेपटिज्म आरो इन्साइडर-आउटसाइडरखौ लानानै दासिमआव गोबां स्टारफोरनि फिनजाथाया सोराडाव फे खांबाय। आधिखालाव सावथुन फावखुंगुर सुनिल शेटीआबो बेनि सायाव बिबुंथि होदों। सुनिल शेटीआ बुंदोंदि, जुदि बियो फावखुंगुरबला मा बिनि फिसाफोरा फावखुंगुर जानायनि सिमां नुनो मोन्थाय गैया नामा? टाइम्स अफ इन्डियाजों बाथ्रा सावरायनायाव सुनिल शेटीआ बुंदोंदि, नेपटिज्मनि सायाव बाथ्राखौ खोनानानै गोबां दुखु मोन्दों। बेयो मोनफ्रामबो फिल्लडआव जायो। मा आनि फिसाजो आरो फिसाज्जालाया



फावखुंगुर जानायनि सिमां नुनो मोन्थाय गैया नामा? सासे बिजनेसमेननि फिसाज्जालाया गावनि बिफानि बिजनेसखौ सामलायनो सिमां नुनो मोन्थाय गैया नामा? सुबुंफोरा गाव गावनि फिसाफोरखौ मोजां फरायसालिआव सोनो नाजानाया गोरेश्थि नामा? आं हमादोंनो हायादि बेफोरो बबेनफ्राय फे खौ? आं सुबुंफोरनो बेखौल' बुंनो हास्थायोदि, सुबुंफोरा खालि गथ'फोरखौल' नोजोर हो। बलिउडआव गुपिज्मआ सोलियो, नाथाय बेयो मोनफ्रामबो जायगायाव सोलियो।

बम्बे हाइकर्टनिफ्राय रिया चक्रवर्तीआ बेल मोनबाय



मुम्बाइ, 7 अक्ट'बर :

फावखुंगुर सुशान्त सिं राजपुतनि थीनायजों सोमोन्दो गोनां डाग्स के सआव फावखुंगुरि रिया चक्रवर्तीआ गिदिरेहाय मोन्दों। बम्बे हाइ कर्टनिफ्राय रिया चक्रवर्तीआ 1 लाख जुरिमाना होनानै जामिन मोनबाय। अदेबानि रियाचि फंभाइ शौबिकनि जामिननि अजदलाइखौ कर्टआ नेवसिगारदों। रियाआ गासै 1 दाननिफ्राय एनडिपिएसनि गेजेरजों भायखला जेलआव जेजोबजादोंमोन। सुशान्त केसनि नायबिजिरनाय समाव एनसिबिआ रियानाव गोलाव सोथि सोनायनि उनाव 9 सेप्टेम्बरआव बिखौ ग्रेप्टार खालामदोंमोन। मंगलबारआव जरखा बिजिरसालिया रिया चक्रवर्ती आरो फंभाइ शौबिकनि आयेनारि बेखनथायाव लाखिनायखौ 20 अक्ट'बरसिमनि थाखाय बांहोबाय। सरकार उकिल

अतुल सर्पांडे आ फोरमायदोंदि, एनडिपिएस बिजिरसालिया सानैखौबो 20 अक्ट'बरसिमनि थाखाय आयेनारि बेखनथायाव दैथाय हरबाय। जरखा बिजिरसालिया बेनि सिगां रिया आरो बिनि फंभाइनि जामिननि आरजलाइखौ बोखारनानै होखांबाय। बेनि उनाव बियो जामिननि थाखाय बम्बे हाइ कर्टयाव थानोंमोन। इडिनि गेजेरजों रियाचि मबाइल फननिफ्राय मोन्थाय चेटिंखौ फोसावनायनि उनाव एनसिबिआ बे के सखौ नायबिजिरनो जागायदोंमोन। डाग्स चेटआ सोराडाव फेनायनि उनाव एनसिबिआ दीपिका पाडुकम, सारा आली खान, श्रद्धा कपूर आरो करिशमा प्रकाशनाय सोथि सोखांबाय। इडिआ सुशान्त केसजों सोमोन्दो गोना मानी लान्डीनि केसखौ नायबिजिर गसिनो।

गाहाम देहानि राहा

स्ट्रेस हर्मनखौ सामलायनो थाखाय लांगोनायाव रंगिना-संगिना बिबार गायनांगौ

ब्रिटेइनआव थानाय रयेल हर्टि कालचार स'साइटिनि बावैसो सिगांनि संदाननायनि बादिब्ला, गुलाब, कृष्णाचुरा आरो मालती बाइदि बिबारफोरा खालि स्ट्रेस हर्मन कर्टिसलनि थालाया-फैलायखौ खम खालामनायजों लोगोसे डपामाइन आरो सेरटनिन हर्मन ओंखारनायखौ बांहोयो। बेफोर बिबारफोरखौ गात्रि सानाया-हनायखौ सामलायनाय थामहिनबा जिउआव गोजोन सान्दांथिखौ सोमजिखां होयो। लारियेन सुइन्-पुइनि दैदेनाय बे संदाननायाव संदानगिरिफोरा सा 42 बैसो जानाय सुबुंफोरनो गाव गावनि न'आव माखासे बिफां-लाइफां गायहोयो। बेफोर बिफांखौ ओरैबायदि गामलायाव गायनाय जादोंमोन,



जेराव सम सम गावनो हारसिडेनो गोनांथि जानाय बिबांनि दैखौ जगायना होबाय थयो। बादायारिफोरा बेफोरखौ जोथोन लानायनि गोनांथि गैयामोन। अदेबानि बिफांफोरखौ दोन्नायनि उनाव बादायारिफोरा बेफोरखौ जोथोन लानो गोसो जानो हमो। बे संदानगिरिफोरा बिबोरनि कर्टिसल, डपामाइन आरो

सेरटनिनजों लोगोसे गुबुन हर्मननि बिबांखौबो जखनायो। संदानगिरिफोरा 53 जौखोन्दो बादायारिफोरनिथाव गासै हर्मनखौ रोखा थासारियाव मोन्दों, बबेखानि गिबि गिबियाव बे अन्जिमाया 24 जौखोन्दो ल'मोन। संदाननायनि फिथायखौ जार्नेल लेन्डस्केप एन्ड आर्बान प्लानिआव सेबखानों।

बिग बस 14 आ जागायनाय लोगो लोगोनो सिद्धार्थ शुक्लानि एदावलायनायखौबो नुनो मोन्दों

गोदान दिल्ली, 7 अक्ट'बर : बिग बस 14 नि न'आव दासिमबो से सपताहयानो बारलाइखौ। बेनि गेजेराव दावराव-दावसि, अन्लायनाय आरो एदावनाय बेफोर गासिबो जागायबाय। श्व'नि जागायनाय समाव सिद्धार्थ शुक्लाया गोबां अन्सायजानायखौ मोन्दों। सिनियर महरै बियो गोबां सांग्रांथिबो जादों। सिजेन 13 नि उइनार जानाय सिद्धार्थखौ आधिखालाव लासै लासै गावनि गोजाम फावआव नुनो मोन्दों। आधिखालाव बिखौ एदावलायनाय नुनो मोन्दों। लेटेस्ट एपिसड (6 अक्ट'बर) आव नुनो मोन्दोंदि, बिग बसनि न'आव सिद्धार्थ आरो निक्की तम्बलीनि गेजेराव जुलि आरो मोजां मोनलायनायनि आयदायाव मोनसे मख'जाथाव बाथ्राया जादों। हरआव गौहर खानआ



निक्कीनाय सिद्धार्थखौ लानानै मा फिल खालामो बेनि सोमोन्दै सोथि सोदों। बे बाथ्रा सावरायलायनाय समाव बेवहाय जास्मिन भसीनआबो दंफादेरोमोन। गौहरआ एदावनायने बुंदोंदि सिद्धार्थआ बे बाथ्रानि सायाव नेनानै दडमोनदि, बियो आरोबाव खनसे बाहागो लागोन जेब्ला निक्कीआ फैगोन। गौहर खाननि बे एदावलायाव सिद्धार्थआबो गावनि बिबुंथिखौ होनानै बुंदोंदि, थारेनो गावबो नेनानै दडमोन। गौहरआ बे बाथ्रानि सन्देहखौ फोरमायोदि, निक्की आरो सिद्धार्थआ थाबैनो गावजों गाव सिनायलायो। बेनि उनाव निक्कीआ माबा मोनसे बुंनायनि सिगां सिद्धार्थआ बुंदोंदि, बियो मा बुंनो, जों सानैजों मोजां मोनलायो आरो बेनो जादों बै आइजो। बेनि उनाव निक्की आरो सिद्धार्थआ जुलिनि मेटेरियलखौ फोरमायो। बे बाथ्रा सावरायलायनायाव मोनसे ओरै बायदि बाथ्रायाबो सोराडव फेदों, जेराव सिद्धार्थआ बुंदोंदि निक्कीआ जैरेबायदि, बिबि आइजो नांगो। मख'नो गोनादि, सिजेन 13 आव सिद्धार्थ शुक्ला आरो शहनाज गिलनि गेजेराव खाथिनि सोमोन्दो थानाय नुनो मोन्दोंमोन। बेखौ सारा गुरपालआ गोदान सिजेनआव मखखानां बाय। बेनि अनगायै निक्कीखौ लानानै बुंनाय जादोंदि, बियो शाहनाज गिल बायदि गेमप्लान खालामदों।

दा कपिल शर्मा श्व'खौ लानानै भीष्म पितामह आरो युधिष्ठिरनि गेजेराव महाभारत सोमजिदों

गोदान दिल्ली, 7 अक्ट'बर : दा कपिल शर्मा श्व'खौ लानानै मुकेश खान्ना आरो गजेन्द्र चौहाननि गेजेराव मोगथाडाव महाभारत बायदि दावहाया सोलिदों आरो बाथ्राया सुबुंथि गाम्लोबनायसिम सौहैखांबाय। सानैबो गावबा गावनि आखुथै बाथ्रा बुंनानै गोखों फिनजाथाय होलायदों। गावजों गावनो फाव खालामनो रौंलायै होनानै बुंलायदों। मुकेश खान्नाया महाभारतआव भीष्म पितामहनि फाव खालामदोंमोन, जेराव गजेन्द्र चौहानआ बयनिखुइबो देरसिन पान्डव युधिष्ठिरनि फाव खालामदोंमोन। मख'जाथाव बाथ्राया बेदि सानैबो फावगिरिफोरा लाजिफोनालायनानै गावजों गाव फावनि मुंजोंनो सोमोन्दो होलायदों। गजेन्द्रआ मुकेशखौ भीष्म पितामह होनानै गाबजिदोंब्ला मुकेशआ बिखौ धर्मराज होनानै गाबजिदों। बे दावराव-दावसियाव




दान्थे-बिदान्थे जानाया भीष्म पितामहनि फार्से सोराडाव फेदों, जाय इन्साटग्रामआव मोनसे भिडिय पस्ट खालामनानै धर्मराज युधिष्ठिरनि बाथ्रा बुंनायखौ गोखों फिनजाथाय होदों। भिडिआव मुकेश खान्नाया

गजेन्द्र चौहाननि मु लाया लासे गोबां जेना गोनां बाथ्राफोरखौ खोनासंहोदों। मुकेश खान्नाया बे भिडियजों लोगोसे गोलाव नटबो लिरदों, जेराव बुंदोंदि, "महाभारत सिरियालआव गावखौनो गाव धर्मराज बुंगा फावगिरिया जानो हागौ गावनि जाहोनाव श्व'आ सोलिदोंमोन होनानै अहंखार जादों। बेनिखायनो मुलुगनाडैनि गासिबो आंगुरखौ गिबियाव गावनो मोननांगौ सानदों। फारसेथि मोनसे इन्टरभिनआव धर्मराजआ बुंदोंदि, मुकेशआ आंगुरखौ मोनाखै। बेनिखायनो बियो आंगुरखौ बुंदों आरो दा ग्रेट कपिल श्व'खौ जेना गोना श्व' होनानै फोरमायदों। मुकेशखौ श्व'आव लेंहरनाय जायखैमोन। अब्ला बियो बेवहाय फेनो माबोरै गनायाखै जानांगौ। बियो गावखौनो गाव अरायसम थार बाथ्राखौ बुडो होनानै नंखाय फोथायनायै लादों।

गोदान दिल्ली, 7 अक्ट'बर:

फोरमायथि आरो फोसावदि मावख'आ हादरनाडै 15 अक्ट'बरनिफ्राय सिनेमा हलफोरखौ खुलिनो थाखाय गोनांथार बिथोन फोसावदों। फोरमायथि आरो फोसावदि मन्थि प्रकाश जाबडेकरआ बुंदोंदि, सिनेमा हलआ 50 जौखोन्दोनि गोहोजों खुलिनो हागोन। नायगिरिफोरनि गेजेराव मोनसे सीटनि जान्थाय एबा मास्क गान्नायनि गोनांथार जागोन। लोगोसेनो सेनिटाइजरनिबो गोनांथार जागोन। बेराफार्से सुलुंनि बादिब्ला, गोबां सांग्रांथि लाखिनांगौ आरो एसेल' समनि जाहोनआव आधिखालाव गोदान सावथुनखौ फोसावनो हानाय नड। फोरमायथि आरो फोसावदि मन्थि प्रकाश



जाबडेकरआ सिनेमा हलफोरनि थाखाय एसअपि फोसावदों। गावनि न'आव खौरंगिरिफोरनि सिगाडव बियो बुंदोंदि, 50 जौखोन्दो जिरायनायनि गोहोजों लोगोसे 15 अक्ट'बरनिफ्राय सिनेमा हलखौ खुलिनो गनायथि मोनगोन। जाबडेकरआ फोरमायदोंदि, करनानिफ्राय रैखाथि मोन्नायनि सोमोन्दै सांग्रांथि गोसारहोग्रा। मिनिटनि मोनसे सावथुन दिन्थिनाय एबा बेनि सोमोन्दै फोसावनाया मावथारनांगौ हाबाफारि जागोन। मोनसे स्व'आ जोबनायनि उनाव आबुडै हलखौ सेनिटाइज खालामनांगोन, अब्लासो 2 थि स्व'आ जागायगोन। सिंगेल स्क्रीनआव टिकेट बुकिंनि थाखाय बांसिन खिरिफोरखौ खुलिनांगोन। गासै बो जायगायाव अनलाइन टिकेटनि बुकिंखौ बांहोनाय जागोन। पेकड खालामनाय जाग्रा आदारखौ मोनगोन, नाथाय बेखौ हलनि सिडाव जानो मोन्नाय नड।

बबी देअलआ 2 मिनिटनि भिडिआयाव 25 बोसोरनि दावबायनायखौ फोरमायदों

गोदान दिल्ली, 6 अक्ट'बर:

धर्मेन्द्रनि फिसाज्जला आरो सनी देअलनि उन्दै फंभाय बबी देअलआ 6 अक्ट'बरआव 25 बोसोरनि मोजां दावबायनायखौ आबु खालामबाय। बिनि गिबि सावथुन बरसातआ 1995 आव 6 अक्ट'बरआवनो रिलीस जादोंमोन। गावनि केरियारनि सिल्भार जुबलीनि बे खाबुआव बबीआ मोनसे 2 मिनिटनि भिडिआखौ ससेल मिडियाआव शेरार खालामनानै गावनि सावथुनआव दावबायनायनि माखासे गाहाय आयदानि सोमोन्दै बाथ्रा सावरायदों। बे भिडिआव बबीआ एमएक्स प्लेयारनि वेब सिरिज आश्रमआव गाव मानो फाव खालामा, जाय गावनि थाखाय गोबां आलादा मोन्दांथिनायमोन बेनि सोमोन्दैबो फोरमायदों। बबीआ टुइटरआव भिडिआखौ शेरार खालामनानै लिरदोंदि, आनि 25 बोसोरफोरनि



दावबायनायनि माखासे समखौ फोसावदों। बे भिडिआव बबीआ बुंदोंदि, बेयो आनि सिल्भार जुबली बोसोर। सासे फावखुंगुर महरै 25 बोसोरआ गोबां गोखैयै बारलांदों। बबीआ भिडिआव डेब्यु खालामनाय सावथुन बरसातनि मोनसे सीनि सोमोन्दै फोरमायदों, जेराव बियो गरयाव गाखोदों। बेयो सावथुननि जोबथा शटमोन। सीन खालामनाय समाव गावनि आधिडा बायदोंमोन। बे सावथुनआव बबीनि देंखो चश्मेआ गोबां अनसायजदोंमोन। बेनि सोमोन्दै जुनियर देअलआ बुंदोंदि, गावनाव गं 5 फानथाव गावनि चश्मा दडमोन आरो बे देंखोआव गाव बेखौ गाव्नो सादोंमोन। सावथुनआ रिलीस जानायनि उनाव बेयो गोबां क्रेज जादोंमोन। बरफआव शूटिं खालामनाय सावथुननि फाइट सीनिनि सोमोन्दै बबीआ फोरमायदोंदि, गावखौ लाइटनि खाथियाव जिरायहोनानै दोनोमोन। गावखौ जि फोरानहोयोमोन। सास्पेन्स थ्रिलर गुप्तआ बबीनि केरियारनि मोजां सावथुन, जेराव काजलआ नेगेटिभ फाव खालामदोंमोन।

डिसेम्बरनि सिगां गोदान रकेट लन्स खालामनो बिथांखि लादों इसरआ

चेन्नाइ, 7 अक्टूबर : भारतीय अख्मांमा संदानग्रा फसंथान (इसर')आ डिसेम्बर 2020 नि सिगां गोदान रकेट 'स्मल सेटेलाइट लन्स बेहीकेल' (एसएसएलबी) खौ लन्स खालामनो यजना बानायदों। सासे गागि बिबानगिरिया फोरमायदों बेनि बयनिखुइबो देरसिन मटर इन्धन थानाय बुस्टार मटरखौ नायबिजरिनो थाखाय नबेम्वराव आन्जाद नायनाय जागोन। इसर'नि बिक्रम साराभाइ स्पेस सेन्टार (बिएसएससि) नि बिथोनगिरि एस रमानाथआ फोरमायदों एसएसएलबीनि लन्स पलार सेटेलाइट लन्स बहिंकेल सी 49 खौ



बिरहोहरनाया श्रीहरिकटा रकेट पटिनि गिबि लन्स पेडजों जागोन। रकेटजों भारतनि रिसेटर बिआइ 2 आरु गुबुन सेटेलाइटखौबो दैथाय हरनाय जागोन। कभिड इनफेक्सननि जाहोनाव थाबथाना थानाय

हबाफारिखौ इसर'आ मावफुं नो नाजादों। गं 3 रकेटनि गेजरजों हादत आरु गुबुन हादतनि दर्जन सेनिफ्राय बांसिन सेटेलाइटखौ अख्मांमायव दैथाय हरनाय जागोन। बे हाबाफारियाव

अन्ध प्रदेशनि श्रीहरिकटाजों रकेटखौ दैथाय हरनो थाखाय मोनसे बार्चुएल लन्स कन्ट्रल सेन्टारखौ गायसन्नाय जादों। बे सेन्टारखौ मिरु अन्तपुरमनि बिक्रम साराभाइ स्पेस सेन्टार आब बानायदों। बेवहायनिफ्राय रिमटनि गेजरजों श्रीहरिकटयाव रकेटनि आन्जाद नायनाय जादों आरु बे रोखोमै लन्चीबो खालामनाय जागोन। इसर'आ बुंदों, करना इनफेक्सननि समाव एजेन्सिआ सेटेलाइट लन्सीं हबाफारियाव खम सुबुंफोरखौ श्रीहरिकटयाव दैथाय हरनो थाखाय बार्चुएल लान्चीखौ थियारि खालामदों।

भारत-कानाडानि गेजरआव आबाद फालांगिया बांनो हागौ : नरेन्द्र सिंह तमार

गोदान दिल्ली, 7 अक्टूबर : मिरुनि आबाद आरो आबादारि जौगाखां गामियारि जौगाखां, पन्सायत राज आरु जाग्रा आदार जगायग्रा उद्यग बिफाननि मन्थि नरेन्द्र सिंह तमारआ बुंदों, भारत आरु कानाडानि गेजेरआव आबाद दिहुन्थायनि फालांगिया बांसिननो हागौ। आबाद मन्थि तमारआ भारत-कानाडा एग्रीटेक बार्चुएल सेमिनारआव बुंदोंदि, भारतया पौस्टिक आबाद, अर्गेनिक आरु हार्बल दिहुन्थायफोरजों लोगोसे देहा सोलेरनि थाखाय मुलाम्फा गोनां जाग्रा मुवाफोरखौ दिहुन्थायव जाफुंसारनाय, जेराव आयुबेदिनि आसार खात्थिया सोलिबोदों। आबाद बिथिआव मिथिगायारि गोहोनि मुलाम्फाफोरखौ लानो


थाखाय भारत-कानाडाया हे फाजाब होज्जलायनाय सोमोन्दोखौ आवगयलां होनो लुबैयो होन्नाने बुडो मन्थि तमारआ। बेयाव कानाडानि आबाद बिफाननि मन्थि क्लाड बीदुआ बुंदों कानाडा आरु भारतआव आबाद आरो आबाद फालांगिनि सोमोन्दोआ दरनै हादतनि गोखों सोमोन्दो आरु हेफाजाब होज्जलायनाय गौरब गोनां जाग्रीमिन। भारतआव गोखैयै रांखात्थि जौगाखानाया बाहायगिरिफोरनि दाबि दैखानायखौ बांहोदों आरु कानाडाया जाग्रा आदारनि हाबाफारि, जाग्रा आदारनि रैखाथि एबा हन्थामेलानि गुदिविथायव बिगियान आरु गोमोखोनि गेजेरजों भारतनि



नांगौ जानायखौ सुफुंनायाव मदत होनो हागौ। दरनै हादतनि बे हाबाफारिखौ इन्ड-केनाडियान बिजनेस सेम्बार (आइसिबिसि) नि गेजेरजों भारतीय उद्यग फसंथान (सिआइआइ) आरु भारतनि गुबुन हादतयारि मावख'नि मदतआव खुंफुं नाय जादों। भारत-कानाडा एग्री टेक बार्चुएल सेमिनर खौ बेखेवजेन्नाने तमारआ बुंदोंदि, भारतआ गाहायै मुलगुनां गोसारनाय इनफेक्सन जॅनानि

थानाय द' दानआव आबाद बिथिंडव जौगाखां सुझादों। बेयाव वान नेसन वान मार्केट खौ गायसन्नायनि थाखाय नेमखात्थियाव सुझानाय, आबादारिफोरनि रैखाथि आरु उदांमिनि थाखाय थि राहाजों लोगोसे टिका लानायआबो दंफायो। आबाद टेक्नीकनि बिथिआव भारतनि 450 नि बांसिन स्टार्टअप दं, जायनि ऑंधिया मुलगुयाव मोनफ्रोम 9 स्टार्टअप भारतीय दं।

करना भेक्सिनखौ बोसोरनि जोबथायाव मोन्नो हागौ: हु



जेनेभा, 7 अक्टूबर: हुनि गाहाय टेइस अदनम घेबियासआ बुंदों कभिड-19 नि भेक्सिनआ सोलिफु बोसोरनि जोबथायावनो थियारि जागोन। भेक्सिनखौ रन्नायै होनायाव समान-समान मोन्नायखौ रोखा खालामनो थाखाय गासैबो दैदेनिगिरिफोरनि गेजेराव खौसे जानो खावलायदों। टेइसआ डब्लुएइएसअ (हु) नि मावसुमाफोरनि बर्डनि जथुम्मायाव बुंदोंदि, जॉनो भेक्सिननि गोनांथि जागोन आरु भेक्सिनखौ सोलिफु बोसोरनि जोबथासिमाव मोन्नो हागौ। हुनि कबेक्स बिथांखिजें मुलगुनि दर 168 हादरफोरा लोयो लादों, नाथाय रासिया, आमेरिका आरु चीनआ बाहागो लायाखै। टेइसआ बुंवावदोंदि, जौगाखानोनाय भेक्सिन आरु गुबुन दिहुन्थायखौ लानानै बयनिखुइबो गोनांसिन हाथियारआ दैदेनिगिरिफोरनि राजखात्थियारि हाबा मावनो समायखिरा लानाय। जर'खायै भेक्सिनखौ समानै रन्नायै होनाय केसआव। जों गावजों गावनि गोनांथि दं, जों खौसे जानांगोन आरु इन्फेक्सनजें जुजिनयाव गासैबो गोहोखौ बाहायनागोन। करना भाइरासखौ लानानै समबारआव हुनि सा 34 सोद्रोमाफोरजों दानाय बर्डनि जथुमआव डा माइकेल रेयानआ बुंदों, सहर आरु गामियारि ओन्सोलफोरनि अन्जिमायाव सोलायनाय फेनो हागौ। बेनि ऑंधिया बे नडादि, मुलगुनि गोबां सुबुं अन्जिमाया खैफोदआव दं।

ब्राजिलआव दानसेनि उनाव बांसिन गोदान करना केस मोन्दों

वासिंटन, 7 अक्टूबर : मुलगुनाडे करना इनफेक्सन सन्दरनाया 3.60 कौटिनिबो बांसिन जाबाय। फार्सीथें मोजां जानाय अन्जिमाया 71 लाख 36 रोजा 709 नि बांसिन आरु थैनाया 10.53 लाख बारलांबाय। ब्राजिलआव दानसेनिफ्राय इनफेक्सनआव बाडाइ जाबोदोंमोन नाथाय फिन गोखैसिनै बारायनो हमफिनबाय। ब्राजिलआव मंगलबारखालि गासै 41 रोजा 906 गोदान केस मोन्दों। बेयो 11 सेप्टेम्बरनि उनावनिफ्राय दासिमनि बयनिखुइबो बांसिन सानसेयावनो मोन्नाय केस। बेखौ हेल्थ मिनिस्ट्रीआ मोनसे फिनआव मिबथिहोदों। मंगलबारखालि सा 819 जिउ गोमादों। बेखौ लाफानानै गासै सा 1 लाख 47 रोजा 494 थैबाय। सरकारनि नोजोरआ बांसिनै स्लाम एरियाआव दं। मानोना बेयाव इनफेक्सनखौ बांसिनै मोन्दों। अदेबानि ब्राजिल सरकारआ गोखों लकडाउन होनो गनायाखै। मुलगुनि बयनिखुइबो बांसिनै करना भाइरासनि गोहोम



गोलैनाय आमेरिकानि करनानि केसखौ नोजोर होयोब्ला बेयाव दर 6 राइज्योफोराव देहाफाहामसालियाव थिसन जानाय बेरामिफोरा गोखैयै बांबोदों। बेफोर राइज्योफोरा जादों बिस्कन्सिन, मिनेसटा, नेब्रास्का, सा-डकटा, खोला डकटा आरु व्यामिनि देहा फाहामसालिफोराव बेरामिफोरा बांदों।

थानाय सेप्टेम्बरआ सिगांफोरनिखुइ गुदुंसिन दानमोन

गोदान दिल्ली, 7 अक्टूबर: आबहावा गुबुंलेनि गोहोमआ गोबां रोखोमै सोराडव फैंदों। खालि गोलोम बोथोरावल' बिदुडा बाडाखै, गरमआ खम जाहैयो होन्नानै बयजोंबो नेनानै थाजानाय सेप्टेम्बर दानआवबो गरमआ गोबांसिन जादों। थानाय सेप्टेम्बरआ दासिमआव मुलगुनि बयनिखुइबो गरमसिन सेप्टेम्बर दान थिसनजादों। बे दानआव सरासन्सानिखुइ 0.63 डिग्रि गरमसिन रेकर्ड जादों। बेनि गोहोमआ आर्क टिकसिम

गोलैदों, जेराव सेप्टेम्बरआवबो गोबां बिबांनि बरफ गलिदों। इउरपियान सेन्टर फर मिडियम रेन्ज वेदार फरकास्ट (इसिएमडब्लुएफ) नि रिपटआव बेखौ मिबथिहोनाय जादों। इसिएमडब्लुएफनि फिथाइखौ बिथा खालामनानै कपारनिकास क्लाड सेन्ज सार्थिसेजआ बे रिपटखौ थियारि खालामदों। बेयाव बुंदोंदि, 2020 सिमनि गेजेराव बयनिखुइबो गरमसिनआ थानाय सेप्टेम्बर दानआव जादों। 2019 नि सेप्टेम्बरजों रुजुयोब्ला थानाय सेप्टेम्बरआव खावसे डिग्रि गरमसिन जादों। थानाय

सेप्टेम्बरनि गरमखौ 1995 नि उनाव बयनिक्कुइबो बांसिन मोन्दों। रिपटआव बुंनाय जादोंदि, गासै इउर'पआव सेप्टेम्बरनि जौखोन्दो बिदुडाव 2018 निजों रुजुनायाव 0.2 डिग्रि बांसिन थिसनजादों। बेनि थाखाय लानोना गोहोमफोरखौ दायनिगिरि मानिनाय जादों। साइबेरियान आर्क टिक ओन्सोलआवबो बिदुखौ फारियैनो बांबोनाय थिसन्नो मोन्दों। सेप्टेम्बर दानआव गरमआ बांसिन जानायनि जाहोनाव आर्कटिक लैथोमायाव बरफआ गोखैयै गलिदों। बेनि बरफआ 40 जौखोन्दोसिम खमायदों।

मुसलमानफोरनि सायाव उतखार खालामनायखौ लानानै इउएनआव दर 39 हादतफोरा चीनखौ बेंखन्दों

इउएन, 7 अक्टूबर: इउएनआव चीनआ गोबां लाजिनदों। बबेखानि गासै दर 40 हादरफोरा शिन्जियां आरु तिब्बतआव एसेल' सुबुं अन्जिमानि फोलेरनि सायाव उतखार खालामनायखौ लानानै चीनखौ बेंखन्नायजों लोगोसे हंकेआव गोदान माहारियारि रैखाथि आइननि सुबुंथियारि मोन्थायनि सायाव गोर्लैनाय गात्रि गोहोमनि सायाव जिंगासिनाय फोरमायो। बेनि गेजेरजों आमेरिका, माखासे इउरपिय हादरफोर, जापान आरु गुबुनफोरा चीनखौ बुडोदि, बिसोर इउएन सुबुंथियारि गाहाय मिशेल बेचलेट आरु उदाडै दावबायग्राफोरखौ शिन्जियांआव हेंथा गैयालासे थांहोनांगौ। बेजों लोगोसे उडगार मुसलमानफोर आरु बाडाइ सुबुं सानखो फोलेरनि गुबुन सोद्रोमाफोरखौ



जोबथेसालियाव सोनायखौ बन्द खालामनांगौ। जूथाय हादर महासभानि सुबुंथियारि मोन्थाय कमिटिनि मोनसे जथुम्मायाव दर 39 हादरफोरा जूथायै फोसावनाय बिबुंथियाव चीनआ बुडोदि, हंकेनि सुबुं सोदोमसि, उदांसिनि मोन्थायखौ सोलिहोलांनया आरु बेयावनि बिजिरगिरिनि

उदांसिखौ मान होलांनंगौ। इउएनआव जार्मानोनि थान्दै क्कि सटफ हेयुसगेननि फार्सेनिफ्राय बे बिबुंथिखौ होनायनि उनाव पाकिस्तानआ चीननि रां दाहार लानायाव थाबथानानै थानाय दर 55 हादरफोरनि फार्सेनिफ्राय चीनखौ रेखा खालामो। बिनि बुंनाय बादिब्ला, बे ओन्सोलआ चीननि बाहागो आरु माहारियारि

रैखाथि आइननि मोनसे हादर, बेयाव मोननै सिस्टेमखौ रोखा खालामगोन। बेनि उनाव क्युबाया दर 45 हादरफोरनि फार्सेनिफ्राय बिबुंथि होनायै चीननि उतखार खालामनायनि हेंथायै लानाय थांखिखौ मदद खालामो। मानोना चीनआ बेनि मुडव हादरआव थानाय उडगर मुसलमानफोरखौ उतखार खालामगासिनो दडा।

साइकेल सालायनाय हुदाया मुड आरु देहाखौ सानसेमानि गाहामै लाखियो

साइकेल सालायनाय हुदाजों देहा सोलेरआ गाहामै थानायजों लोगोसे मुड आरु सानसेमानि गोहोयैनो थायो। सानफ्रोमबो घन्टा खावसे साइकेल सालायोब्ला वार्कआउट बायदि फिटनेस थायो। मख'जाथावदि, एक्सार साइसनि थाखाय साइकेल सालायनायनि हुदा खालामोब्ला बैसोनो हिसाबै आरु गावनि देहानि थासारिखौ नायनानै एक्सार साइस खालामनांगौ। साइकेल सालायनाय हुदायाव गोखैद्राय एबा लासै लासै सालायनो नाडा। थि गोखैथिनि साइकेल सालायनानै मोनसे थि केलरिखौ बार्न खालामहोनाय गाहाम। बेजों लोगोसे जानाय लोनायखौबो सामलायना लाखिनांगौ। देहा सोलेरनि



लेरथायखौ खम खालामनो नाजायोब्ला लोगोसेनो जानाय आदारफोरखौबो थि जखानि जानांगौ। केलरिआ बार्न जानायजों लोगोसे साइकेल सालायोब्ला माखासे बेरामफोरनिफ्रायबो रैखाथि होयो। जैरै बिखाजों लोब्ला गोनां बेराम, स्टुक, डायबिटिस, डिप्रेसन बायदि बायदि।

साइकेल सालायनाय हुदाजों स्टुक्रनि जॅना आरु करनरी हार्ट डिजीजआ खम जायो, डायबिटिस मिलाइटिसखौबो खम खालामो आरु ब्लाड सुगारखौ कन्ट्रलआव लाखियो। सानफ्रोमबो एक्सार साइज खालामनाय हुदाजों ब्रेस्ट केन्सार जानो हाथावनाया खम जायो।

जाहाथे हां लानाय, आथिजों पेडेल गानाया जयै गोरुबनांगौ। मख'जाथावदि, गोखै साइकेल सालायोब्ला बांसिननिफ्राय बांसिन केलरीजआ बार्न जागोन आरु बिखानि थाखाय मोजां जागोन। मोनसे संदानाथनि बादिब्ला, 20 माइल सप्ताह खनफ्रोमबो साइकेल सालायोब्ला हार्ट डिजीजआ 50 जौखोन्दोसिम खम जायो। साइकेल सालायनाय हुदाजों स्टुक्रनि जॅना आरु करनरी हार्ट डिजीजआ खम जायो, डायबिटिस मिलाइटिसखौबो खम खालामो आरु ब्लाड सुगारखौ कन्ट्रलआव लाखियो। सानफ्रोमबो एक्सार साइज खालामनाय हुदाजों ब्रेस्ट केन्सार जानो हाथावनाया खम जायो।



शाहीन बाग में 3 महीने से ज्यादा समय तक प्रदर्शन हुआ था
शाहीन बाग को खाली करवाने के लिए दिल्ली पुलिस को कार्यवाई करनी चाहिए थी।
सुप्रीम कोर्ट
गोदान दिल्ली, 7 अक्टूबर : राइज्योआरि जायगाफोराव धर्ना होनायखौ लानानै सुप्रीम कर्टआ बुधबाराव थांखि लादों। बिडिय कनफारेन्सनि गेजेरजों हेयारि होनायाव जास्टिस सन्जय किशन कौलनि बेन्सआ बुंदों, राइज्योआरि जायगाफोराव गोबाव समसिम धर्ना होना हाया। मोनसे थि जायगायावल' धर्ना होनांगौ। बे केसआ दिल्लीनि शाहीन बाग धर्ना होनायजों सोमोन्दो दं। बेवहाय 3 दाननिफ्राय बांसिन समसिम लामा होबथानानै धर्ना होनाय जादोंमोन। बेजों सुबुंफोरनि थांलाय-फैलाय खालामनाया जॅनायाव गोग्लेदों। बेनि थाखाय पिटिसनरा सुप्रीम कर्टआव बुंदोंमोनदि, राइज्योआरि जायगायाव धर्ना होनायखौ होबथा नांगौ। उक्लि अमित शाहनीआ बे मामलायाव पिटिसन फाइल खालामदोंमोन। कर्टआ 21 सेप्टेम्बरयाव हेयारि होनायाव बुंदोंमोनदि, हेंथा होनायनि धर्ना होनाय आरु नोगोरारि हान्था मेला खालामनाय मोनथायनि सायाव समान जानांगौ।

डेनमार्क अपेननिफ्राय गावसोरनि मुंखौ बोखांनानै लाफिनबाय साइना, पि काश्यपआ

गोदान दिल्ली, 7 अक्टबर: भारतनि सेथि थाखोन आइजो बेडमिन्टन गेलेगिरि साइना नेहवाल आरो बिन फिसाइ पि काश्यपआ फेगौ समनिक्राय जागायजेन्नो गोनां डेनमार्क अपेनआव गावसोरनि बाहागो लागोनखौ बोखांनानै लाफिनबाय। मिबथिनाय बादिब्ला, सोलिफु अक्टबर दाननि फेगौ 13 निफ्राय 18 अक्टसिम डेनमार्क अपेनआ अडेनसे सहरआव खुंजागोन। मख'नो गोनांदि, कभिड-19 महामारिनि जाहोनआव डेनमार्क अपेननि गेलेगोन समखौ सोलायफिनो गोनां जानायजौ फेगौ सप्ताहनिक्राय अपेननि गेलेनाया फिन जागायजेनफिनसिगोन। बे डेनमार्क अपेनआवनी भारतनि साइना नेहवालजौ लोगोसे पि काश्यप आरो माखासे गेलेगिरिफोरबो



बाहागो लानो थांखि लानायनि बाश्नाखौ सिगाडावनो मिबथि होदो मोन। नाथाय कभिडनि गोसारनाय थासारिखौ नोजोर होनानै साइना नेहवाल आरो पि काश्यपआ गावसोरनि गेलेगोनखौ बोखांनानै लाफिनबाय। दिने आइएएनएसनि गेजेरजौ साइना नेहवालआ फोस्मायनाय बादिब्ला, थासारिखौ नोजोर होनानै डेनमार्क अपेनआव जौ जौनि गेलेगोननि मुंखौ बोखांनानै लाफिनबाय। साइना आरो पि काश्यपआ बाहागो लाया होनानै मिबथि होनयनि उनाव

गावसोरनि थांखि बादिब्ले गेलेनो थियारि जादौ। मख'नो गोनांदि, मुलुगनां बेडमिन्टन आफाद सुंद'थै बिडब्लिउएफआ बेनि सिगां थमास काप आरो उबेर कापनि अनगायैबो डेनमार्क मास्टार्सनि गेलेनायखौ दोन्थ'नाय जादोमोन। दासान्दि कभिड-19 नि गोसारनाया गिथावनार्यै सोलिबाय थानाय थासारिआव गुबुन गुबुन गेलेमुनि बादायलायनाय फोरखौ लाबोफिन्नायनि गेजेराव बेडमिन्टन गेलेनायखौबो गेलेगिरिफोरनि गेजेराव खुंनो थाखाय बेडमिन्टन आफादआ थांखि लादोब्लाबो नाथाय बे थासारिआव बेडमिन्टन बादायलायनाया बेसेबां आवगायनो हागोन बेनि सायाव फेगौ समनि गेलेनायासो फोस्मायगोन।

एफसि गवाआ फेगौ सिजन आइएसएलनि थाखाय हुदा खालामनायखौ जागायजेनबाय

पानाजि, 7 अक्टबर: हादरनि फुटबल गेलेमुखौ मुलुगनां फोथारआव लानायनि थांखिजौ जर'खायै खुंनोनाय इन्डियन सुपर लीग सुंद'थै आइएसएलनि फेगौ सिजननि गेलेनायखौ लानानै दासान्दि हान्जाफोरनि गेजेराव साखा-फारा जानायखौ नुनो मोन्दौ। आइएसएलनि गुबुन मोनसे हान्जा एफसि गवाआ फेगौ सिजननि लीगआव गोखौ गेलेनो थांखिजौ बे समनिक्राय ट्रेनि खालामनायखौ जागायजेन्दौ। दिने बेनि सायाव एफसि गवाआ बे बाश्नाखौ मिबथिहोयो। हादरनि गवा राइज्योआव खुंनो लानाय फेगौ 7 थि सिजन इन्डियन सुपर लीगआव बाहागो लानायनि अनगायैबो एएफसि सेम्पियन्स लीगआवबो भारतनि हान्जाखौ दैदेनगोन एफसि गवाआ। क्लाबनि लोगो कच क्लिफर्ड मिरान्दानि फोरैथाय होनायाव भारतनि बांसिन



गेलेगिरिफोरनो दासान्दि प्रेक्टिस खालामनाय बादायाव बाहागो लानायखौ जागायजेन्दौमोन। क्लाबनि बिबानगिरिआ बुनाय बादिब्ला, कभिडनि प्रेक्लखौ नोजोर होनानै सिगां गेलेगिरिफोरखौ करना टेस्ट खालामनाय जादौ आरो दासान्दि सानै गेलेगिरि इसान पन्डित आरो लेन डंगलखौ क्वारेन्टाइनआव लाखिनायबो जादौ। एफसि गवाआ दासान्दि गोखौ रैखाथिनि गेजेरजौ प्रेक्टिस खालामनायखौ जागायजेनायाव हान्जानि गेलेगिरिफोरा बाहागो लादौ आरो फेगौ सनिबारनिक्राय मोनने सेसन प्रेक्टिस खालामनाया खुंजागोन होनानै मिबथिहोयो। गोलाव दानसिम गेलेग्रा

रानि रामपालनि दैदेननायाव भारतनि आइजो हकीआ अलिम्पिकआव गोदान जारिमिन बानायगोन: धनराज पिल्लाइ

गोदान दिल्ली, 7 अक्टबर: भारतनि हकी हान्जानि गेदेमा गेलेगिरि धनराज पिल्लाइआ मिजिथिदोदि, रानि रामपालनि हान्जा दैदेननायाव हादरनि आइजो हकी हान्जाया फेगौ समनि टकिय अलिम्पिक गेम्सआव गोखौ गेलेनो हानानै थांखिसिम सौहेनो हागोन। मख'नो गोनांदि, बोसोसेनि थाखाय दोन्थ'जानाय गेलेमुनि देरसिन बादायलायनाय अलिम्पिक गेम्सखौ फेगौ बोसोरव जापाननि राजथावनि टकिय सहरआव खुंनो थाखाय दासान्दि खुंफु आफादआ गासैबो बिथिडाव साखा-फारा जाजोब्याय। बे अलिम्पिक गेम्सआवनो भारतनि आइजो हकी हान्जाया गिबि खेब क्वालिफाइ जानो हानायजौ गेलेनो थाखाय थियारि जादौ। आइजो हकी हान्जानि गेलेनायनि सिगांनो हादरनि बारग' गेदेमा हकी गेलेगिरि धनराज पिल्लाइआ मिजिथिदोदि, दासान्दि हान्जायाव रानि रामपालआ साबसिन हान्जा दैदेनगिरि जानानै दड। रानि रामपाल आरो सबिता पुनियाआ फेगौ अलिम्पिक गेम्सआव हान्जाखौ गोखौसिन खालामनो हागोन। पिल्लाइआ बुबावोदि, रामपालनि दैदेननायाव थांनय समनि गेलेनायखौ नोजोर होयोब्ला टकिय अलिम्पिक गेम्सआव भारतनि



आइजो हान्जाया गोदान जारिमिन खालामनो हागोन। हान्जाया दासान्दि अलिम्पिक गेम्सनि थाखाय गोब्राबै प्रेक्टिस खालामनायखौ सोलिहोबाय थारो आरो बिसोरनि गेलेनायखौ मिजिथि लाखिदौ धनराज पिल्लाइआ। मख'नो गोनांदि, थांनय 2018 नि एसियान गेम्सआव रानि रामपालनि दैदेननायाव भारतनि आइजो हकी हान्जाया सनानि मेडेलखौ देरहानो हादोमोन। हकी गेलेनाय जारिमिनआव भारतनि आइजो हान्जाया दासिम अलिम्पिक गेम्सनि नैथि खेब गेलेनो थाखाय थियारि जादौ। गल कपार सबिता पुनियायनि रंगथि'खौ रायखांनानै पिल्लाइआ बुडोदि, हान्जायाव दासिम सबितायाबो सासे रंगथि गोनां गोखौ गेलेगिरि जानानै दड आरो फेगौ अलिम्पिकआव सबिताया गोनांथार हान्जानि बिफाव लानो हागोन होनानै मिजिथिबावो। जैथि खेब अलिम्पिक गेम्सआव गेलेखांनय पिल्लाइआ बुडोदि, भारतनि आइजो हकी हान्जानि सायाव गोलाव समनिक्रायनो अलिम्पिक गेम्सआव मेडेल देरहानायखौ नेनानै दड। नाथाय बे सिमांखौ जाकुंसार होनयनि थांखिया खाथि नोजोरआवनो दड होनानै गेदेमा गेलेगिरिआ बुडो। थांनय समाव अस्ट्रेलिया आरो नेडारलेण्डजौ लोगोसे जार्मानो हान्जानि हेंथायै गोखौ गेलेनो हानायखौ रुजुनानै भारतनि आइजो हकी हान्जाया दिनेनि सानआव मुलुगनि जायखि-जाया हान्जानि हेंथायै जुजिनो हानाय एबा फेरफाथिनो हानाय हान्जा जानानै दड आरो फेगौ देरसिन बादायलायनायाव साबसिन गेलेनो हागोनखौ भारतनि आइजो हान्जानि सायाव मिजिथि लाखियो धनराज पिल्लाइआ।



आसाम सरकार

गामि पन्सायत आरो गामि फोजौखां बिफान



गाव गसंथा आइजो: गावनि सायाव गसंथानाय आसाम

जौनि हा-जौनि आबाद-जौनि जिउनि गुबै बिथा

बेखेवजेननाय हाबाफारि



महात्मा गान्धी राष्ट्रीय ग्राम्य थिसन्थाय रोखा बिथांखिनि गेजेरजौ पन्सायत आरो गामि फोजौखां बिफाननि बान्जायनायाव आरो आसाम राइज्योयारि गामियारि थांनानै थानायनि हाबाफारि एवा आबाद, आखाय इशान-सि शिल्प, रेसम, जुनात फिसिनाय, दै जगायनाय बायदिसिना बिफाननि हेफाजाबाव गामियारि थांनानै थानाय लामा होनयनि थाखाय आजावनाय मोनसे बाखायथाव गोबां मोखांनि हाबाफारि।

राइजो-राजानो गथायनानै होनो बेखेव फोर्बोयाव बाहागो लागोन

गाहाय आलासि
मुस्रि सर्बानन्द सनवाल, मान गोनां गिबि मन्थ्रि, आसाम

माननि आलासि
मुस्रि रन्जित दत्त, मान गोनां मन्थ्रि, रेसम बाइदिसिना बिफान, आसाम
मुस्रि अतुल बरा, मान गोनां मन्थ्रि, आबाद आरो फिथाइ-सामथाइ बाइदि बिफान, आसाम
मुस्रि परिमल शुक्लबैद्य, मान गोनां मन्थ्रि ना बाइदिसिना बिफान, आसाम
मुस्रि नव कुमार दले, मान गोनां राइज्यो मन्थ्रि (उदां) पन्सायत आरो गामि फोजौखां बाइदि बिफान, आसाम
मुस्रि भवेश कलिता, मान गोनां राइज्यो मन्थ्रि (उदां) दै जगायथाय बाइदि बिफान, आसाम

मख'जाथाव आलासि
मुस्रिमा कुइन अजा, मान गोनां एमपि, गुवाहाटी लकसभा बियाव
मुस्रि अतुल बरा, मान गोनां एमएलए, दिसपुर बिधान सभा बियाव

अक्ट: 8 अक्टबर, 2020। | सम: साननि 11:00 बाजि। | जायगा: चन्द्रपुर गोजौसिन गेजेर फरायसालि फोथार

फै, पन्सायत आरो गामि फोजौखां बिफाननि सिडाव आइजो फसंथानायनि गेजेरजौ रांखान्थि जौगानायव बे दावबायनायजौ आखाइजौ आखाइ हमलायनानै गावनि सायाव गसंथानो हानाय आसाम दाफुनि।



बेखेवजेननाय हाबाफारिखौ डी डी आसामनि गेजेरजौ थोंजोडै फोसावनाय जागोन